



南通州五山全志卷之十五

知通州事遼左董權文



五山外史閩中劉名芳纂修

郡人徐嶺捐梓

藝文 五詩

五言古 七言古

五言古

隋

觀海

煬帝

孟軻敘遊聖枚乘說瘡疾逃聽乃前聞臨深驗茲

五山全志 卷五
日浮天迥無岸含靈固非一委輸百谷歸朝宗萬
川溢分空碧霧晴連洲彩雲密欣同夫子觀深愧
玄虛筆

唐

海上作

宋務光

曠哉潮汐池大矣乾坤力浩浩去無際沄沄深不
測崩騰歛衆流泱泱環中國鱗介錯殊品氛霞饒
詭色天波混莫分島樹遙難識漢主探靈怪秦皇
恣遊陟搜竒大壑東竦望海山北方術徒相誤達

乘安可得吾君畧仙道至化孚淳默驚浪接窮漠
飛航通絕域馬韓底厥貢龍伯修其職粵我遘休
明匪躬期正直敢輸鷹隼鷲以見豺狼忒海路行
已殫輪軒未遑息勞歌玄月暮旋睇滄浪極魏闕
眇雲端馳心負歸翼

明

登狼山

高郵董璘 德文

朝旭出扶桑雲淨澄江曉策馬登狼山一覽羣山
小磅礴捍東暝疇能肆滄溘天塹來坤維一脈能

五山全志 卷五
廻抱絕頂塔凌虛巍然冠江表紺宇金碧輝石砌
藤蘿遶雲氣蛟螭蟠嵐光青翠繚濃露浥岩扃疎
風響林杪松稍鶴夢清石徑人踪少覽秀觀箕箒
適情玩魚鳥嬉遊白晝長朗嘯青天杳尋幽賞勝
餘行行自糾竊詩句縱豪吟筆底雲烟繞悠悠逸
興舒何用尋蓬島

登狼山

郡人邵旻 天民

束髮慕五岳幽尋竟莫展茲山孰云小晨夕足怡
衍春風柔且嘉平楚綠如剪容與坐陽崖縈紆陟
陰巘吳岫連空青淮流抱城轉江海日湯湯開雲
舒復卷目睇隘八埏蓬萊幾清淺仰天發浩歌塵
累一以遣冥心戀景光延佇數忘返嗤彼向子平
役身徒偃蹇

登狼山

江都張金

元氣蕩流液東南滙江海怒意不可遏突此巉巖
態峰高摩青蒼巖深盡幽怪時逢春氣佳朋侶悉
崇載駕言登茲山聊以寄一快青山萬古色陽鳥
急西邁吾儕眇一粟朱顏豈常在但願樽不空臨

五山全志 卷五 三
眺多勝槩神仙荒唐詞功名塵土債請看天衢遙
何如草廬隘酒酣發長歌滄江起寒籟

登狼峯

如臯 嚴 怡 士和

江流從西來東與溟海會風濤無古今雲山自襟
帶竒觀俯地維新詩起天籟飄然欲凌空還覽六
合外

狼山卽事

長洲 王穉登 百穀

層崖何嶙峋振衣一蕭散帝座氣可通涼風生玉
瑄長嘯振四林雲靄連復斷袖拂斗牛間城郭小
若盃與客共徜徉臨流且引滿

游狼山

海門 崔見賢

步履窮登眺遵巖陟山阿條風扇嘉月晴烟栖叢
柯幽溪入窈窕冥磴臨差峩頰霞控山靄白日搖
滄波喧禽下洲渚漁艇依藤蘿逢僧話往因始喻
恒沙河潛寐永不寤何由識多羅皈依自今日回
首悲蹉跎

秋日登狼山

海門 李心松 德堅號 竹梅

素節屆清秋涼颼生木杪憑高縱延眺澄江何渺

五山全志 卷五
渺透迤亘長天差池集島鳥落日澹孤村凝烟暗
蕭條感往春復秋嗟來昏復曉昨始擷朱英茲焉
泛紅蓼佳辰悵何期幽情托冥杳伊彼邴生達道
遙寄雲表

軍山採樵

盧純學 重見

萬仞見絕壁參差凌丹青碧眩海色烟雲自昏
朝草樹蔽幽谷以時入採樵長擔挾左臂同伴相
呼招度嶺越岑徑循巖通山椒日落歸禽急天寒
野獸驕濤聲振落木北風鳴枯條少憇危石上短
衣怯寒潮安得白衣使爲我開寂寥

同社登狼五醉後賦

陳大科 重見

春江似掌平春樹明如繡五山紆畫屏浮雲出遠
岫浪花撲衣裾潮聲當午吼主人邀我來酒香吹
綠皺况有同調人心投如蘭臭呼白爵無筭醉眼
模糊後盃翻吸長川嘯歌彌宇宙巨靈欲擘開海
若爲奔走心胸當此時身世復何遘藉草坐江邊
枕流石可漱更貪松底陰忽送澗下溜醉深却忘
歸杖履爲宿留片月帶肩輿巖城下更漏

山中感夢

郡閩秀袁九嫵 君淑

大道本鴻蒙神化亦叵測恍然夢境中千里自頃
刻初遊化人居穹窿洵異域青林抱遠岫巖竇轉
深黑行行條開朗咫尺紫霄逼仙卉鬱葳蕤幽禽
炫五色靈妃笑相引來往山之側飲我沆瀣漿噉
以天厨食投贈碧琅書璀璨不可識臨別示玄秘
拳拳戒努力妙理貴希夷葆真在靡慝神氣誠不
虧紅顏生羽翼共返上清轡庶幾吾念息

觀濤

李澹然 重見

山行恣清遊騁目望東貊胡值天地愁構此窮陰
積萬竅皆怒號巨颶鳴條劇看潮登海樓江豚波
上擲雪浪噴若山觸石聲如霹靂彼鼉鼉游驚起
蛟龍宅海徼稱澤國禾蔴遍疆場河伯乃不仁崩
岸數千尺青畦已滔天科斂猶如昔長鯨肆憑陵
東南會傾圻平素沼沚嬉清讌日怡懌今茲睹狂
瀾聊以盪心魄

狼山

陳澹民 重見

近水生青螺大地不容徙或在江之涯或在海之

五山全志 卷五
六
溪何如狼五山江海會其趾勢若相吞噬羣立互
爲抵石嶂逼如削仙斧劈礮崑馮夷不敢爭迴風
瀾復紫山淺不生雲雲在波濤裏有時布烟燼一
脈透巖起終古日月遊乃識通氣理山在數舍外
觀在萬象始

清明夕仙招遊狼山

王猷定 重見

清明天忽霽集侶狼山遊出郭紛車馬晴光滿綠
疇數里見嵯峨山遠心已周末暇辨山外一心趨
上頭須臾臨絕壁十丈峭且幽巨靈何代斧積鐵
無寸柔懸溜滴蒼崖鵲鳩聲啾啾登頂肆遐矚乾
坤共綢繆海水流下天天盡水不休遙望三吳影
一抹青黛浮把酒忽長歎軍劍如孤舟

步石門看沿江一帶峭壁

王猷定 重見

鴻濛氣不收大海落孤嶼溟漲壓天柔削壁向東
補香亭下石門尋幽仗同侶沙軟亂石鋪左右艱
布武嵯峨十丈雲倒崩垂一縷何時浪薄天洗濯
無寸土老魅雜宵燐鷹鷂與之處巖黑閔陰泉白
日飛天兩僕夫掖我行蹒跚不得語歛忽凌蒼崖

五山全志 卷五
微逕嵌空取颺迴石窟腥團團漁火聚悵彼結茅
人痛遭綠林梅花光蕩海春烟岫誰爲主突兀望
丹臺波濤互吞吐孰割女媧石天然落方所酒人
見之顛魚龍見之舞不見日月生諸峯粲可數遠
影生微白將心息半晷乃問燕公洞危嶺亦歌腐
胡變島夷名今訛爲倭子洞愾然念今古自笑老人癖不
知筋骨苦審潮正方來視日亦已午忽到斷水崖
狂瀾一峰阻

軍山看月

王猷定 重見

日見海天低夜見海風苦海水浴天時星辰皆作
雨惟月下海中百道金光聚波响月可聽波來月
可取試問山中人月來幾寒暑

秋况

閩秀 王兆淑 重見

樵有丁丁聲木落生虛明殊意爲炊爨奚得因熱
名掀彼白雲葉憐翠分枯榮見景獲曠志棄斧看
棋枰所以山中人不解貪溢情

軍山

陳世祥 重見

山以松爲服烟霞色色纏微風動衣影一路松花

香松花落如絮鶴唳知何處補衲采山衣幽人自來去

國朝

宿狼山枕上作

范國祿 重見

夜雨漱山枕清心咽危聽風聲自送迎巖水相荅
應萬木何容心天地自沉暝殿閣無夷情人意與
不勝因憶何年月江上人開逕老我此風雨眎息
如深訂空山又哭聲淚亦古人剩遙遙蒼鼠林曉
發一聲磬

桑田歌

郡人海門籍 丁腹松 木公號挺夫

東海變桑田羣曰國之瑞詎意及今來翻為大災
沴養人者害人作孽疑天使天平抑人也問誰所
自致人心不盡亡羞惡之端義小人幸而免祇以
喻於利沙洲突迷目可居竒貨出爭攘不遺力多
言總無忌錙銖罔留餘億秭亦無旣恨不填巨浸
俱為一鬻馘虎欲各耽逐愚夫忽增智密友乃仇
讐周親成觸詈遂分父若子遂傷兄及弟衽席起
戈矛焉惜根株蒂老瞞坐方寸崎嶇生百計相覲

儼人面轉瞬魑與魅方彼崇明頑特少魚腸刺决
水更揚灰生命如草薶摧燒骨立灰播棄渾敝屣
通神恃金錢孰懾官與吏桎梏逮縲紲之死矢不
避豐嗇命可造肥家憑我臆吁嗟天生民舍此無
他嗜俯視空一切只此富且貴濯濯者天良慼慼
者生氣盜得及萬鍾何殊草露墜憶昔虞芮成均
作間田置父母誠孔邇胡爲此多事百年曠息期
胡爲不少憇獨有世外人但日謀一醉聞之欲破
膽望之欲裂眦無利亦無害清夜得酣睡

狼山

丁有煜 重見

突兀一卷石直下三百級東西附四山浮圖矗天
立面江接江南江水遙空碧山靈不受貧山僧無
菜色三月桃花開半腰露滴滴風雅憶何年脚下
魚龍澁

七言古

宋

登狼山

吳宗卿

狼山巍巍如虎踞
雄鎮淮東作天柱
大江日夜走山足
萬古洪濤流不去
五峯削出青芙蓉
白雲隱見金銀宮
下有九秋不涸如
龜之靈壤上有千
年不死化石之長
松自從玉女去岩
谷鬼神呵禁不許
仙凡通我生家在
江南住朝嵐夕翠
恒相逼隔江唱斷
小山詞但見一抹
遙青浮水際仙姑
洞真

五山全志 卷十五
人臺洞門石壁對蒼苔寶塔亭亭聳霄漢云是當年海上之飛來神仙之說吾不省但覺松露侵衣冷野鶴巢邊山靄濃沙鷗起處江天迥與來掃石坐酌酒還吟詩舉杯一飲三千卮醉後把筆掃盡長江萬里之漣漪長江之水自東注狼山狼山不常會人生踪跡等浮雲今夕來遊偶然遂偶然遂其奈何便欲我歌饒向狼山萬仞之嵯峨狼山不隨東逝波此詩長在不與山石同銷磨

明

登狼山

郡人竇承芳

狼山高突千丈強五山此獨居中央螺頭翠色秋光芒壁立萬仞恒蒼蒼上聳凌雲插漢七級之浮圖下走翻濤捲浪萬里之長江蒼虬舞罷鼉鼉出玄鶴飛來燕雀藏東連蓬島隔弱水西接金焦拱帝鄉山川亘古不磨滅人生百歲徒悲傷我今游覽不知其幾度未有如此會攜佳賓而徜徉登燕真人之丹臺尋秦始皇之劍跡履巉巖經險阻過大士崖渡危橋走荒徑坐寶陀石叅僧伽殿而致

五山全志 卷五
敬穿仙姑洞而憇息逍遙樂有餘行散情何極入
方丈樂更饒陳綺席列佳殽胡麻飯抄白雲母松
花酒酌紅葡萄弄瑤琴吹洞簫忘懷飲皆醅陶拍
手大笑歌且謠鬢邊白髮何蕭蕭功名已就歸蓬
島安得神仙來見招乘鸞跨鶴昇雲霄

狼山行

王廷

廣陵東來海天白海民夜夜愁潮汐狼山突兀起
高峯勢敵東南莫疆場蓬海平吞瞰森溟神州綺
錯開阡陌頻年海上風霧昏惡浪喧颺到海門幸
荷天皇握金鏡指麾虎將提兵柄寶馬琯弓各奮
威海甸淮堙同政令海門一夜殲夷虜猛氣嘽嘽
勇如虎一戰頓教滄海空捷書飛報酬明主東南
得爾真干城應與狼山共撐拄

夢游白狼山

郡人柳應芳 陳父

客中一夜歸心發明河漸向斗間没千里鄉關度
若飛分明夢見山中月白狼既是復疑非倚杖蒼
茫辨翠微轉入翠微纔十步少年游處尚依稀依
稀記得曾游處紺殿紅樓但烟霧野草莓苔依舊

五山全志 卷五
青新花還發前年樹懸崖飛磴杳難攀雙屐遲回
便欲還山靈怪我無留意到處閒雲爲上關四山
如屏屹相向浮圖覆嶺干雲上江光海色錯山嵐
幻出金銀萬千狀峭壁巉巖劈面迎層巒疊嶂回
頭生曉猿夜鶴愁來往如御天風絕頂行俯身下
瞰蛟龍宅海日欲生潮水赤岷峨渤澥交吐吞精
衛空悲填木石颯颯風帆快鳥翔隨波一日經扶
桑海門東下不得控河伯應須笑大方背倚春城
十萬戶前峰映帶江南路平沙虛駐秦皇軍蔓草
誰披駱丞墓山中住人別來久相見慇懃問親故
嗟余亦是山中人長年不到山中住臨水登山三
十秋可憐無地不淹留那知故國佳山水今夕翻
從夢裏游

登狼山有懷故里

成都 江之清

大江縈帶岷沱來湯湯東注無時回嗟予浪跡亦
如此海天極目何悠哉江南幾點青山小賈客帆
檣雲際杳如蟻蠕動任夷猶茫茫無路陟蓬島驚
濤觸浪若雷奔檣韻松聲雜雨聳縹緲琳宮連屨

氣逶迤石磴走虬紋。竭來卉服鯨波息，影靜東南
天半壁。日歸日歸，歲誠暮采微。莫戀東山役，瞿塘
灑瀕路。迢迢灘聲鳥道入，青霄山靈助我凌風鷁。
直到成都萬里橋。

狼山

古閩 陳大對

五山一攬不盈掌，大海環之據其上。錯散森羅恣
竒觀，兩翼未飛神已賞。四顧峰巒彈指間，面揖崇
川如襟襖。崇川域郭一懸壺，江天上下任俯仰。淮
海維揚推此中，方幅彈丸昔佳壤。渾沌未鑿戶口

殷民自淳龐，士慨慷年來忽。破羲皇風自剝皮膚，
成痛癢譬如蛇足以。意增高高下下堂宇，敞就中
軍劍之二峰。盡祛苔蘚闢其莽，君不見文峰之高
高出雲。當年鵲起魁三象，又不見形家有忌火廉
貞更煽其燄，助之長我思古人。人已遐，胡爲嘵嘵
咎。既往從來陵谷嘆，滄桑可惜山靈亦世網。安得
山靈還故吾，卧遊坐令衆山響。

狼山

金陵 周士章 吳昉

大海汪洋幾萬古，浴日浮天銀浪舞。五山屹立當

其衝潮音如震雷門鼓元氣磅礴鎖神州影帶諸
番力砥流登其上者小吳楚扶桑萬里東悠悠玉
柱支天碧海架倒影凌空月欲下此時身入太清
遊俯仰紅塵盡長夜

狼山

秦郵蘇普

五狼雄踞大江側中峰屹立羣峰翼挈伴朝來攬
壯遊層崖曲折勞攀陟攝衣而上歷山巔重鎮支
雲直射天南對吳岑依舊黛西來楚水自年年狂
濤泮泮海門下萬派朝宗成一瀉滔滔不風潑作

聲臨岫危立頓生驚鯨魚觸水波底鳴海天澄澈
企蓬瀛境濶眼舒心亦遠徘徊猶恨登臨晚疎林
闐寂杳行人但見山僧自往返長空淩水日輪底
蒼松掩映滿山蹊幽禽解得遨遊意一路飛鳴送
馬蹄

峭壁

釋達旦重見

五峰之背瓌江渚峭絕如經巨靈斧高浪何時打
著天洗出嶙峋無寸土石罅蒙茸眩雜花蒼鷹鷲
鵠占爲家遊人履險戲其上萬一失足徒咨嗟

軍山看日出

王猷定 重見

天雞叫罷海水黑萬里扶桑絕消息長鯨鼓浪吼
天門北斗薇垣辨不得有客通宵坐石林寒風三
月吹人心以袖蒙頭臨絕壁樹外倒看天沉沉須
臾東際生微白碎剪波光亂天碧丹霞氣盡尚氤
氲已有金蛇兼電掣可憐久雨廢耕種萬戶愁雲
方入夢頭白書生愁更深眼見陽回心轉動那知
聖人出深宮九霄步步光玲瓏橫空作勢屢興沒
羲和攬轡何從容劃然半壁紅輪起砍斷蛟龍四
海水三湧飛光上碧空回看一寺桃花裏

秋日遊狼山卽事

馬是龍 重見

秋風欵段行逍遙停鞭緩度垂楊橋溪雲乍擁日
忽匿山雨欲來聲蕭蕭江上羣峰黑如羃劈面驚
風飛霹靂怪鳥聲號雨益驕平地水深幾十尺青
山咫尺不可攀山途濘淖行正艱須臾雨歇烟亦
滅近峰遠峰俱開顏斜陽半挂西山樹微雲淡抹
江南山我來披歷興不淺閒倚白石坐蒼蘚恍入
仙都第幾峰空中隱隱聞雞犬呼酒酌客客曰佳

題詩送僧僧供茶山風吹巖墮空翠江鳥背人脚
落花江鳥山花弄顏色冷淡秋烟寫寒碧起視澄
波淨不流渟泓萬里平於席同來濯足江之濱洗
琰更酌日漸昏爛醉歸來津樹黑遙看燈火辨前
邨

雪後登山

郡閩秀 陳 潔 無垢號石香

滕君似妬青山翠萬里峰巒鋪玉碎蒼涼四望野
雲低江天靜與茅亭對此時誰是景中人王恭雀
筆難爲繪我愛江天積雪幽朗吟雪賦寄中流寒

江寂寞魚龍沒坐向孤清月影浮

國朝

題狼山觀海詩後

并序

長洲李 果 客山

成都費子滋衡爲狼山之遊賦觀海詩八章明
日復登劍山投平生所著詩文海中張印宣爲
詩志其事余來江都快讀其詩因賦是篇

費子才似海奮筆幹元機見其驚人句直與流俗
違海東秋老鷹風揚觀海直上狼山陽天地奇境

入胸臆紅輪爛爛燒扶桑蓬萊一髮青可數忽思
 縱橫乘風翔長嘯重賦觀海詩前者十二今八章
 黃河從天瀉萬里筆力出入爭低昂天下何人爾
 知已竒文空抱歌慨慷一朝盡束沉海底旁人竊
 笑母乃狂天風吹送海水動神鬼夜泣精靈藏龍
 伯來窺嘆竒異貝宮金闕開大洋海童張樂帝江
 舞似獲玉敦明月璫中宵有客乘槎過瞥見霞彩
 流精光此間樂府數張籍以詩紀事和宮商江城
 快讀兩君作漏短使我寢食忘由來至文不易觀
 塵世瑣碎如糝糠眼前牢落堪流涕驂龍我擬懇
 天帝君才千載人自知只今抑鬱將奚爲買田待
 我北山北牧豕飯牛計亦得

登狼山望左右諸峰

秦州

陸錢齡

夢修號者卿

瀕江亂石何年長五山繹絡爭俯仰中峰巉絕任
 攀躋聳身直逐飛鳥上哀壑驚湍流活活絕磴松
 濤風莽莽西北雙巘小于拳天外培塿屹相向黃
 泥半壁枕江流馬鞍一線開天掌劍脊綿亘接軍
 山淺水鱗鱗見沙漲想見屯兵細柳營百年戰鼓

消烟瘴大東浴日望滄溟洞口靈光景清曠恍如
置我日觀峰紫翠雲霞紛萬狀憶昔三宿此山巔
夜聽猿啼曉雞唱江山回首方再來徒侶寥寥半
凋喪朝來擬辦東山屐峰巒遍歷窮殊相豈知瀕
洞起天風冷浸毛骨思添續靈境閔怪疑鬼物精
誠默禱不予貺歷年羣峰在眼前勝遊阻絕空惆
悵

狼山行

山東

劉

藻

瀛海號
蘇邨

我到海陵常掩關眠食坐使腰腳頑偶一登堂望

南際五峰秀出開烟鬟白狼當中擅名勝黃泥劍

脊相連環探竒意勇攜友去將軍之馬驕且閒

所乘

皆鎮府馬大江茫茫無去路鬼斧劈立天門山我來未

具行山屐頗喜兩足飛孱顏海氣荒涼碍白日朝

宗日夜流崢潺沙田如掌布其下萬松如髮生其

間其上浮圖支雲起高樓萃景堪追攀半壁東南

真第一坐伏海若雄荆蠻水天簸揚雙眸眩此身

恍惚超塵寰下山猶疑在山上意緒振觸誰能刪

相望扶桑衣帶水會看出日乘風還

五山全志 卷五
狼山行用劉閣部韻

郡人黃

煒彤章號岐亭

海江怒結此雄關峭石壁立堅且頑雲濤雪浪繞
其下倒浴翠巘飛烟鬟芙蓉五朶天半落岡巒重
疊峰迴環水犀戰艦列洲渚鯨鯢遁跡檣烏間十
五巨鰲龍宮裏隱隱載出三神山有時風清月皎
皎寶奩古鏡開天顏人間俯仰成今昔江流萬古
長潺潺鼻鳳琳宮凌絕頂飛樓傑閣縹緲間雲裏
浮屠通帝座星辰當戶手可攀春風吹開錦繡谷
時聞好鳥聲繇蠻乃知靈境不在遠丹邱咫尺隔
人寰到此神怡心亦靜俗情塵累一時刪會須結
茅半山半常與白雲相往還

登五狼山

彭廷梅重見

伏羲一畫開鴻濛萬類迭運五行中五行生氣獨
推土金水生木火是母濁者凝陰成艮象岷峨脈
盡九江上九江江上五老峰蜿蜒夭矯如遊龍飛
潛不敢入水鄉柳陰兩岸夾淮揚田畝平楚沃千
里纔見突兀卽竒矣孰知海濱竒更竒通州州南
山逶迤四山之中有狼山似承仙露一掌閒

南通州五山全志卷之十六

知通州事遼左董權文叅閱

五山外史閩中劉名芳纂修

郡人徐嶺捐梓

藝文 六 詩

五言近體

宋

登狼山

齊 唐

海腹藏吳楚天樞轉斗午夜分驚日落潮退見鯨

遊巖樹生盤節沙禽戲渡頭乘桴有高興渺渺瞰
滄洲

宋 登狼山有感

郡人吳 及 幾道

郡僻山更遠塵喧與世違水橫觀鴈度天靜見龍
歸落葉霜凝樹思親淚濕衣西風怕回首不忍白
雲飛

渡海望狼山

文天祥 重見

風急千重浪潮生萬頃沙春紅堆蟹子晚白結鹽
花故國何時訊扁舟到處家狼山青幾點極日是

大涯

明

登狼山絕頂望海

邵 旻 重見

積水合乾坤驚濤日夜奔天吳穿石罅靈若倒雲
根蛟蜃樓臺迴魚龍窟宅昏滔滔何所住極目一
消魂

遊狼山

涪州 夏邦謨 舜俞

雲壁開圖書風林奏管絃花房含靜綺石罅瀉鳴
泉久客諳吳語懷人憶蜀賤安能揮世務卜宅近

晴川

秋登狼山

夏邦謨 重見

秋氣回新爽登山不覺勞江雲含雨濕野鳥受風
高鳴鹿思周雅幽蘭怨楚騷誰知漁父樂終歲一
輕舸

狼山秋興二首

夏邦謨 重見

江濶浮南紀山高控北州乾坤方謝暑草木盡知
秋濟物功何補傷時意自憂寧因懷土興排悶強
登樓

潮退沙痕出風清木葉聞天空疲度鳥地圻聚浮
雲百歲縈生態孤懷厭世紛玄蟬寧解事鳴噪日
朝曛

遊狼山

鄞縣 豐坊 存禮

絕頂登臨處天風忽下來半空雲葉動大地日華
開燕石晴飛雨龍泓晝起雷仙人將鶴至攜我軼
浮埃

歸遊狼山

鄞人 丁鈇 君武

天留歸隱地江上小蓬萊采菊悠然見巾車偶爾

五山全志 卷三
來日斜游屐散潮上釣船開乘興攜佳友登臨歲
幾迴

遊黃泥山勒石

舒纓 重見

山景值清和攜遊樂意多步從江島出巾拂樹枝
過寺午僧鳴磬溪晴鳥浴波鑿崖留野興千古翠
無磨

賊 狼山和韻

郡人顧 瑤 公玉號 蘊菴

震百青山上三吳指顧中東流此江水百歲幾春
曠筍爭新綠幽花餘晚紅登高羨能賦才薄和

難工

倭警

鄧英

世亂多愁客時危一病身自憐虛歲月無地避風
塵羽檄南來急狼烟北望頻鷓鴣棲未定長嘆淚
沾巾

登狼山絕頂

郡人凌東京 伯宸

絕頂凌烟霧丹梯未易攀客游青漢上僧隱白雲
間極目窮遙海回頭低衆山更憐逢勝侶唵眺不
知還

游狼山

興化 袁應勳

地接東南盡山橫江海連林巒消蜃氣斥埃淨烽
烟列騎春行部鳴笳夜敞筵祗言足幽賞何事是
臨邊

登狼山

郡人 凌飛閣 尚卿

千古江山勝危欄試一凭長空開浩渺小雨破炎
蒸把酒發孤嘯談禪了上乘飄飄巾舄上時有片
雲凝

晦日登狼山

王 勤 重見

把酒悲春盡來登江上山天連滄海外寺出白雲
間磴轉松陰合巖深蘚色斑偶然成嘯詠終日不
知還

狼山

華山 王弘撰 無異號 山史

五狼臨水次一氣接鴻濛洞冷江雲白天低海日
紅鹿車芳草外僧磬落花中爲有前期在微吟問
遠公

三月晦日登狼山

陳大震 重見

忽漫春將盡登臨興未窮草迷仙女洞花落梵王

五山全志 卷三
宮楚樹寒流外吳山暮靄中一樽聊取醉因與故人同

三月晦日登狼山

沈明臣 重見

莫羨驚全落櫻桃薦已殘共憐春色盡來此一盤
桓山海何雄據乾坤亦大觀任公會釣不吾意選
長竿

春日登狼山

盧純忠 重見

花鳥春三月乾坤地一隅登臨容我輩延賞入虛
無一水平分楚微山遠見吳狎狂忘世故應不著

潛夫

同諸子遊黃泥山

黃克晦 重見

秋高意自遠縱目大江間石勢分雙峽潮痕上半
山豪誇酣後飲健快險中攀更濕麥波襪乘風水
上還

狼山

郡人 盧純臣 蓋齋

穀雨春初晚城南十里行高原花半落深樹鳥爭
鳴塔影浮空下潮聲到岸平層巒看不盡隨處酒
頻傾

黃孔昭白無咎諸子登塔山得蓮字

盧純學 重見

高原望不極大海出青蓮偶得雲中客來從樹下
眠江門終日雨石洞古時烟處處封苔蘚蒼蒼自
歲年

宿祥上人

盧純學 重見

夢醒逢夜半深壑一燈殘枕落溪聲濕窻通月影
寒毒龍潛石榻伽烏宿經壇有髮翻堪惡無生業
已安

顧顒卿明卿陪登白狼山却懷益卿遼左

王叔承 重見

七年天外客忽跨五峯來座冷江聲入樓明海色
開買魚山下艇聽鳥樹中杯一水遼陽路孤雲鶴
夢迴

同人登狼山

王叔承 重見

五峯雲際插樓廠半空門界濶天疑盡潮迴地欲
奔江聲吹夜雨海氣吐朝暎三謝同竒興雄心勿
與論

登狼山二首

如臯 殷之澤 承麗

碧蘚饒陰磴蒼藤結古枝
山精藏晝日江燕識秋
期綠酒頻中聖青鞋屢探竒
還驚奴子異捫歷不知疲

香刹開何劫懸厓劈巨靈
山光浮碧練塔影插青
旻落日銜峰麗微風入酒醒
莫言歸路晚明月照沙汀

飲狼山得遊字

朱當世 重見

不負看山約真成汗漫游
馬頭紅葉暮杖底白雲
秋劇飲呼江月忘機問海鷗
封侯君不願休問爛羊頭

同朱君揚諸子山中酌月

范鳳翼 重見

入暝山逾靜飛濤樹杪聞
江空爭片月厓缺補頽
雲杯外三吳盡窻中九野分
難禁此幽絕能不借微醺

春日登狼山

江津 周長應 伯二

天地皆為水維揚只此山
特登絕頂上恍不在人
間潮豁荆吳氣寺憑海島關
長城即天塹烟鎖白

雲閒

秋夜同社中諸子狼山坐月兼訂重九之遊

郡人 顧國寶 元善

不禁清露墜坐待夜潮平月午杯無算更殘日欲
生潛虬聽醉語獨雀落秋聲肯負山雷意黃花好
結盟

游軍山

郡人 姜玉菓 荆璆

截洪山已別疑是小江南潮漱千稜石峰高十二
庵仙崖餘碧蘚春樹滿晴嵐憑眺蓬萊近餐霞坐

月談

南山雜詩二首

郡人 陳弘裔 文起號 蒼雨

身世竟何待翛然媿一僧心枯霜後草夢破佛前
燈食力知無咎躬耕嘆未能山川多感慨高處獨
憑登

謾謾松風裏空山獨此身寒枝初脫葉小月欲依
人燭滅勞機息心閒舊夢馴百靈如不隔寂籟悟
天真

遊狼山

郡人 凌允昌 明孺號 雉衡

煩想依僧盡幽情恣我探浮沉看世界流峙壯東
南脈自三吳轉靈從一水參攜筇遲野客獨鳥下
烟嵐

軍山

江都 孫自成 物皆

東望軍山好佳游記昔年松陰無晝旭雲塢有棲

禪僧澹花偏艷林幽鳥更喧一從遷廢後猿嘯隔

江烟

登狼山

泰州 陳忠靖 念共

白狼蒼翠極十里五峰連寺老山橫碣雲低塢矗

天松濤驚鹿夢海戍醒鷗眠次第觀無盡禪關起

暮烟

狼山晚步

凌 象 重見

亦愛春遊好山暝景自幽巖花逐水落谷鳥喚人

留江靜欲生月松深不礙樓同心閒躡步汗漫更

何求

觀海

泰州 徐 碧 繩祖號 雪堂

江漢滔滔水朝宗下海門東西浮日月俯仰合乾

坤浩蕩三山遠蒼茫萬古存偶來逢海若一看化

五山全志 卷二
鵬鯤

狼山

關中 王資僊

江海五峰攢乾坤此大觀扶桑天咫尺麗景日千
端絕壁森陰合奔流衆壑寒東南煩保障翹首向
長安

狼山遲友人不至

郡人 凌 質 君愛

明月知人意浮雲不敢封照開滿江水影出一山
松散步向前逕微風吹暮鐘君來應見問清眺有
誰從

塔山

凌 質 重見

到此絕凡近沈寥清氣通人聲山鳥外木葉秋風
中抱膝坐深樹澄懷觀遠空經行乍起處往與一
僧同

新秋山中雜咏

閩秀 玉兆淑 重見

物候莫虛逾非惟曩古今好花馴鳥性明月素人
心石淡苔靈秀溪迴樹色深蒼松修竹裏小隱慳
幽尋

欣放在山目無聞入帝譁鹿耕年種木鳥啟夜開

五山全志 卷之五 詩 王 二
花遠樹羅雲密輕舟盪水斜朝來復何況風雨暗
僧家

春日馬鞍山 王兆淑 重見

石磴遷延引春山分外嬌晴嵐開繡幃新翠染輕
綃谷鳥啼還歇岩花落更飄仙姑如可訪注瑟一
相招

病後同家萬持叔階吉密之次聞諸弟登南

山 陳世祥 重見

春閒游興起扶杖強能前山勢襟吳會潮流撼楚

天買魚殘照外煮酒小溪邊自笑新成嬾攀危讓

少年

歸登狼山 郡人 徐起霖 傅巖

入門悲髮白出郭見山青岸嶠龍風斷巖吞豹霧
瞑僧猶依古佛碑竟卧荒亭相對一揮涕危樓此
再經

國朝

狼山望海 番禺 屈大均 翁山

狼山秋草滿魚海暮雲黃日月相吞吐乾坤自混

五山全志 卷五
茫乘槎無漢使鞭石有秦皇萬里扶桑客何時返
故鄉

登狼山二首

黃安 盧 紘 菽浦

偶然乘逸興尋海到山隅一葉潮頭小數峯江上
孤人烟通市井春色滿菰蒲隔岸江南樹依稀似
武湖

嫩麥碧于烟平蕪草正芊海雲常入寺潮水盡通
田江濶濤聲合山高塔影懸乘槎從此去不復數
張鷟

登狼山二首

如臯 襄 辟疆

老預仙流坐尋山到海隅曠眠窺日早峭拔入雲
孤白辨吳門練青瞻楚甸蒲看君有飛鳥帶水貌
江湖

斥埃淨無烟攜賓藉草芊四賢同羽蓋十里轉花
田尙望茲遊續歸盤片石懸長教後來者讀罷意
飛騫

狼山

華陰 王宜亨

策筇尋勝跡天水浩濛濛佛室生虛白漁磯帶落

五山全志 卷三
紅歸雲孤嶼外倦鳥夕陽中何日辭圭組東山倚

謝公

和施太守秋日登狼山原韻

郡人李廸裴似

匹馬來峰頂巡行泣此州東南撐半壁江海滙長

流初薦山中爽咸知天下秋間閣詢疾苦不是等

閒遊

登狼山絕頂

邵幹重見

覽勝心無盡憑高山不羣檻橫霄漢影塔宿楚吳

雲江海千波合松篁一逕分東南烽燧息容我醉

斜曛

登狼山

海門保衡世臣號文園

似忘飛磴險取次到峰頭山挾樓臺出湖兼天地

流倦雲先入夕寒谷易驚秋信宿談禪理蕭然野

興幽

軍山

保衡重見

浪說秦皇帝曾來一駐軍歷年嗟久遠故老失傳

聞峪暖翻紅雨東南有桃花峪泉香瀉白雲東北有白雲泉我生

三山全志 卷三
駝古蹟憑吊坐斜曛

軍山復開志感

釋廣濟 重見

夙有樵蘇禁山靈復一開
浮沉終有意興廢祇堪
哀海日連雲起江風入殿來
何當重躡屐邀月共
徘徊

送牧山上人住軍山

郡人保 珽 指齋

海上小青螺頻年鳥作窩
花迎金布入雲送錫飛
過頑石頭知點高松頂
待摩疎鐘明月夜梵唱響
巖阿

遊軍山

郡人黃嘉祺 介景號 視農

諸嶼扶藜上茲山鼓棹登濤聲撼古寺
猿嘯踞枯藤丹竈路何僻白雲泉自澄
神仙真窟宅非但隱高僧

登狼山

邵新 重見

拾級凌滄溟和雲坐碧巔
山情遙負郭塔意欲錐
天秋色寒江葉斜陽古洞烟
峰峰青未了一抹翠
相連

狼山雨後遠眺

王弘業 重見

山脊插天腰登臨萬里遙地分吳會脈水接海門
潮帆影隨風轉松聲帶雨飄殘雲銷遠岸幾處見
漁樵

宿狼山

靖江嚴爵修亭

謁來江海上隨意宿花宮綠酒鈎詩後青山入夢
中雞鳴邨遠近鐘亂寺西東枕角寒雲散起看曉
日紅

晚潮

丁有煜重見

日月應爲避乾坤顛倒歎罡風破鬼胆黑地打江
門習坎從虛受平川托靜存簸揚非好事往復濯
天根

贈沙彌

丁有煜重見

入座沙彌小應門賴汝能五山皆有佛諸寺總無
僧寂莫栖西竺聰明會上乘憐予雙脚病攜贈一

枝藤

時以藤杖見贈

憶五山

徽州程震芳梅川號他山

劇有尋山與羈栖與願違十年身不到五夜夢嘗
飛幾處吟紅葉何人醉翠微春遊須摒擋竹杖稱

荷衣

春日登狼山作

郡人 黃天源 桃津

覽勝臨江島春情獵未窮
鶯衣披霽色花片舞迴風
地出雲衢上天垂雪浪
中長歌送落日空翠潑
簾櫳

秋日登狼山

泰州 陸進 岫帆號 樵海

秋山分外好霽日愛登臨
一水劃吳楚五峰橫古今
東南渺無際天地亦何心
趺坐發長嘯商飈爽
客襟

登狼山

易祖愉 重見

勝境開吳楚登臨眼自空
岷川一水盡淮海五峰
崇門咽秋雲白樓啣夕照
紅振衣一長嘯餘韻挾
天風

登狼山

如臯 李筠 松友

選勝蒼崑上遐瞻儘暮朝天
低江宇斷地盡海門遙
紅日湔殘夜明星浴早潮
浪傳鞭石者血盡不成橋

山居雜咏

劉名芳 重見

吟久鬚眉濕烟嵐冷浸衣山黃秋葉亂江白暮潮
飛背市魚蝦斷荒園芋栗稀寂寥車馬外長嘯送
餘暉

山中對梅

劉名芳 重見

凍萼含香雪春風此破顏一驢尋不到雙鶴夢飛
還山水全其潔乾坤剩與閒休隨樵客帽插到市
廛間

登狼山作

徐嶺 重見

息筇霄漢上遐睇動微吟海浪凌眉睫天風捲袖
襟樹橫秋色老山入暮雲深獨客殘陽裏憑高思
不禁



南通州五山全志卷之十七

知通州事遼左董權文叅閱

五山外史閩中劉名芳纂修

郡人徐嶺捐梓

藝文七詩

七言近體上

宋

登狼山

德安夏竦

渡口人稀暗翠烟登臨常怯夕陽天殘雲右倚維

揚樹遠水南回建業船山隱亂猿啼古寺電驅甘
雨過閒田季鷹死後無知己江上鱸魚不值錢

登狼山

眉山任伯雨德翁

狼山青青跡已陳惟餘樓閣向南薰蓬瀛氣象羣
峰在吳楚封疆一水分野色西南平接日潮聲東
北怒穿雲登臨更有超然興回首塵埃不足云

登狼山

姚闕子張

清淺溪流送斷槎暮雲深處見僧家龍居碧海雲
無跡鳳老蒼崖竹有花潮捲亂峰橫几席沙填重

險變桑麻人間陵谷猶如此身外窮通空自嗟

狼山觀海

臨川王安石介甫

萬里崑崙誰鑿破無邊波浪拍天來曉寒雲霧連
窮嶼春暖魚龍化蟄雷閩苑仙人何處覓靈槎使
者幾時回遨遊半是江湖裏始覺今朝眼界開

登狼山

如臯王觀人文

山盤水轉小橋通殿角崢嶸倚亂峰世上自聞真
法力巖前無復白狼踪蜃噴海氣昏危塔龍戲江
聲雜暮鐘爲愛贊公房外月解駮求宿願從容

出海遇漁舟

文天祥 重見

一陣風帆破碧烟兒童驚餌理弓弦舟中自信婁
師德海上誰知魯仲連初謂悠揚真賊艦復聞款
乃是漁舡人生漂泊多磨折何日山林清晝眠
元

登狼山

陳原

白狼山頭僧卓菴我躡飛屐窮幽探麻姑又見海
清淺女媧不補天東南危枝如龍故矯矯怪石似
虎猶眈眈興來拔筆寫狂語此身只合棲雲龕

明

同如臯梁尹登山次韻

郡人邵棠 民愛

出門曾覺路茫茫竹笠荷衣老故鄉多病酒虧他
日量得君詩起少年狂山高不礙乾坤眼海濶能
容雪月航但得朝陽晞短髮更從何處覓仙方

同客遊狼山題壁

凌相 重見

驄馬行春春意深草香天暖愜登臨青山笑我常
爲主白雪憐君有此吟石磴烟霞飛翠靄海門風

浪送清音自慚皓首渾無用潦倒江湖空素琴

遊狼山

寶應 朱應登 升之

千古狼山雄此邦登臨真遣夙心降楚天風雨東
連海吳地烟花北過江巖際驚濤喧客枕竹邊飛
潤洒僧窻因叅法界金光滿更禮祇園寶樹雙

聞狼山捷

長沙 李東陽 賓之

北風吹捲洞庭波飛舸還經孟瀆河今日勝兵方
有筭向來遺孽本無多中宵驛使傳書捷兩岍懽
聲入棹歌聞說西南猶轉戰幾時甘雨洗天戈

聞狼山捷

古關 鄭繼之 善夫號 少谷

龍驤百萬向南征水陣堂堂赤幟橫旋報狼山歌
小凱喜看元帥是書生連年江漢傷多事此日朝
廷念太平漢戍秦疆多鄙陋須將四海作長城

登狼山感賦

山東 劉澄甫 子靜

白狼山下血模糊萬里風烟息戰圖寺主復來修
草屋居民原自畏兵符三年浪跡江山在四月風
寒草木枯酌酒壯懷歌激烈凭高臨遠自躊躇

狼山有懷

劉澄甫 重見

白屋青山間夕陽江山如此忽思鄉遙疑泰嶽孤
雲下却顧滄溟北斗傍落絮殘花春寂寂疎鐘橫
笛夜忙忙登臨何用談兵甲郡國蕭條亦感傷

遊狼山和韻

郡人凌楷端甫

倦鳥西歸送夕陽得閒傾倒白雲鄉道人坐嘯清
風外柱史來遊瘦石傍樹遶吳江烟漠漠天連溟
海水茫茫登臨更好看明月照見滄桑重感傷

遊狼山

建陽李寧

寶刹珠宮縹緲間雨餘乘興共躋攀天連西北浮
雲合地盡東南瘴海環紫石有巖惟碧蘚白狼無
跡自青山勞勞塵鞅知何補徒倚峰頭一破顏

遊狼山

郡人顧磐子安

共憑登眺荅新晴壺榼聊為一日行白浪撲天江
水下青山入暮海雲生玉孫趣永宜眠草杜子才
高憶賦鷹佳會良辰欣載得塵襟不覺坐來澄

遊狼山

會稽王瓌世和

雨霽乾坤淨如洗春深原野綠於苔雲山千仞突
地起雪浪一江排空來古塔火餘石半落老禪定

去門自開登臨且縱今日樂莫怪頻頻呼酒杯

遊狼山

會稽王璜

遠客悠悠無住心偶來此地一登臨山連北固廻
江漢潮落東溟送古今烈火天遺孤塔廻斷雲日
轉半山陰兵戈莫問當年事碧草黃沙骨未沉

遊狼山

張金重見

狼山直上石崔嵬寶塔凌空四望開西楚山川隨
地盡東吳風雨隔江來烟籠古佛栖真處月滿仙
人煉藥臺閒倚夜欄吹鐵笛水掀風起宅龍哀

登狼山

海門李夢周希道

芙蓉峭巖倚青天樓閣參差古樹連旋煮一魚供
客酒坐看山鳥下僧筵半空濤色飛晴雪前殿鐘
聲隔莫烟牢落一身何足歎百年滄海幾桑田

登狼山

嚴怡重見

來遊知是幾年前與客攜壺此放顛一笑滿頭生
白髮五山橫眼看青天欲傾揚子江爲酒見說秦
皇石可鞭特走魚書通海若不波人好種桑田

秋日狼山早起

顧瑤重見

五山全志 卷一
露冷山空猿鶴哀，偶將清夢寄層臺。
三秋爽氣兼天淨，五夜潮聲動地來。
江歛宿烟吳岫出，海明初日楚帆開。
翻經正戀支公舍，疋馬修途未擬回。

登狼山

郡人姚俞

曲磴蒼藤午蔭深，一尊選勝坐桐陰。
絺衣半染青霞色，苔壁爭留白雪吟。
花雨瀾空飄法界，松風到耳雜潮音。
巖棲最愛僧家好，茗椀薰爐伴玉琴。

登狼山

考城董漢儒道文

勝日來觀江上瀾，滄溟靜俯一盂寬。
閒亭苔磴終朝濕，危閣風鈴入夜寒。
楹轉龍宮臨碧水，磯依雲竇任魚竿。
探奇愛學長生術，秘偈心經拂霧看。
同董太守游狼山步韻

郡人錢學詩

五峰並峙障狂瀾，坐覽三千世界寬。
龍卧半天江雨急，虎眠雙峽佛廬寒。
偶窮島嶼尋僧榻，未許滄浪理釣竿。
我欲磨崖鐫德政，棠陰留取萬年看。

遊狼五山

舒纓重見

山前山後足登臨，冷艷幽芳稱客心。
江竹斜連殊

五山全志 卷一
有韻寺槐初發未成陰北來午浪兼雲湧南下春
帆指霧深述作誰當陶謝手忘言聊倚最高岑

和操江吳都御史遊狼山 陳堯 重見

傑閣層崖落木秋畫熊行部瘴烟收
貔貅甲士雲間出笳鼓樓船海上浮
玉樹照人吳季子碧幢開府漢留侯
東南天地兵塵息獨對江離賦遠遊

秋日登狼山 陳堯 重見

懶慢投簪樂事稀興來騎馬扣巖扉
江迴路轉青山出木落天高白鴈飛
望遠日迷鳩鵲觀采芳風動薜蘿衣
從前秋意偏蕭瑟對酒那能不醉歸

登狼山 盧楓 重見

江上山光繞寺青好懷不厭數登臨
雲間樓閣高舒眼檻外滄溟靜洗心
客到泉烹茶竈沸春歸花落竹房深
前崖說有磨題處遠入烟蘿仔細尋

又

春盡山中少客來風帆沙鳥淨塵埃
晴雲帶雨飛丹閣短屐尋詩破綠苔
梧竹分陰涼石榻魚龍吹浪濺江杯
地逢勝處須拚醉十里垂楊信馬回

五山全志 卷一
重九日同人登狼山

新建 俞南嶽

九日同登江上臺曇花祇樹淨氛埃青霄故削芙蓉陣
玄菊頻將竹葉杯滄海風微鯨已遁楚天霜落鴈初來
苔嘲不數龍山客作賦真憐鄴下才

遊狼山

陳完 重見

飄颻巾鳥過南山古刹亭亭霄漢間出世層樓堪
宴賞入雲曲磴費躋攀花谿雨歇鶻啼切茶竈烟
消鶴夢閒自笑平生迷苦海擬開吟社傍禪關

登狼山

郡人 袁 隨民悅

山閣重登感歲年老松依舊影參天醉眠自選灘
頭石趺坐閒聽澗畔泉白浪拍霄晴作雨綠楊迷
嶼晝生烟翩翩便有凌風想欲放滄江萬里船

狼山觀兵

周盤

江聲灑灑樹蒼蒼借箸談兵意氣揚節鉞九重推
漢轂貔貅千隊擁吳航狼山雲亂旌旄影鯨海波
搖劍戟光欲洗塵氛清禹甸瑀弓還擬掛扶桑

登馬鞍山

郡人 凌垣 叔吉號
蓮渠

仙女山高削欲懸白雲縹緲數峰連嵐光不散清

五山全志 卷一
朝雨海色長生薄莫烟亂石千松盤古道方池孤
月瀉清泉何人穿透穿江洞遠見江南萬里天

冬日登狼山

江都高 爐洪父

歲莫來登海上山朔雲寒霧映躋攀樓臺險傍蛟
龍窟嶺嶠潛屯虎豹關萬里帆檣來日下九霄鐘
磬落人間摳衣絕頂觀溟渤欲借天風跨鶴還

冬日登狼山

江都陸 弼無從

樓臺莽蕩白雲殘躡屩名山此大觀江劃海門千
派下天連茂苑萬峰寒杯前日月高相盪杖底蛟

龍宛自蟠聞道十洲還咫尺欲從霄漢挾飛鸞

望海

陸 弼重見

蒼茫烟海一登臨日送飛濤萬里陰風雨樓臺常
隱現東南天地自浮沉虛開博望乘槎夕誰念玄
虛作賦心人世勞勞比精衛幾看清淺一沾襟

重遊五山

陸 弼重見

青山十里向平蕪繫馬還同舊酒徒滄海直啣雙
峽去浮雲忽送一峯孤衣裳霞氣常來往樓閣春
陰半有無此日蟄龍將欲起誰從領下得驪珠

五山全志 卷一
己巳春日同王觀察暨王總戎閱操狼山之
巔並登萃景樓漫成一律

虞城

范良彥

萬隊貔貅擁上游雄關鎖鑰壯神州舳艫遙控三
江水檠戟光寒百尺樓說劍昔慚國士遇籌邊今
抱杞人憂鯨波瀚海年年急未許將軍坐嘯遊

同登狼山

郡人

陳大壯

思立

淮南亦是興王地海嶼誰開遷客亭山歷宋元還
自在江奔楚蜀此須經陽回樹眼烟雲色壁削江

門虎豹形也欲乘槎覓仙鳥陽侯不見草空青

同登狼山

聞人詮

昔年曾泛洞庭舟此日新成海國遊天下壯觀寧
復爾年來嘉賞向今酬烟中縹緲蓬萊島檻外紆
回吳越州勝日况逢仙侶並與君同醉白雲頭

登狼山賦贈友人

郡人

陳

純

抱一

遠扣禪關破寂寥登臨不惜馬蹄遙大江雲影搖
官閣絕巘鍾聲散海潮席上雨催詩欲就林間月
轉醉初消謝公未許東山卧已見徵書下聖朝

五山全志 卷一
初夏同社中諸友登狼山值風雨留宿山中
卽事

郡人江一山子雲

一峰樓閣倚崔嵬春去還能數舉杯
早夏江風欺白苧片時山雨應黃梅
颯明遠水粘天去燕踏殘花帶絮
回珍重遠公能愛客山肴野蔌慣追陪

遊狼山

郡人葛增士修

紫石山前萬象開青天客酒坐襄徊
雲移海樹三珠出日射江虹五色來
鯤壑春陰迷雨雪蓬萊烟氣滿樓臺
飄飄逸興從風引安得乘槎載石回

登狼山

興化王笠

翡翠屏開霽曉烟登臨人語近中天
隔川花色明樵塢到岸江流便客船
塔頂雲高連蜃氣石根泉冽浥龜田
自憐聖世容垂釣江上鱸魚不值錢

塔山

海門彭大翺

塔山之高高接天芙蓉削出金光妍
巖邊雙鳥下江日水上一僧歸暮烟
蒼蒼巖壑凝秋靄隱隱鐘磬鳴風泉
我來登臨望不極振衣欲踏青松巔

登狼山大閱

王曉

五山全志 卷一
浩淼晴濤萬頃秋觀兵此日一登樓邊淮地迥龍
門險海國風清蜃氣收使者巡行飛皂蓋將軍號
令肅清油只今寰宇昇平世閩外無勞聖主憂

春日登狼山

凌飛鶴 重見

中峰高倚白雲間曲磴春晴不倦攀萬頃濤聲連
楚嶠一痕嵐影見吳山杯前風動帆檣亂海上烟
消鼓角閒此日欲窮巖洞美不妨衣染石苔斑

雨後登山

郡人江一鄂

雨歇芳原淨客襟短藜扶入碧雲深無邊嵐氣侵
樓閣不斷江聲自古今苔染空巖留鹿跡磴迴曲
逕合松陰忽聽鐘磬風前度心賞冷然不可禁

登狼山和王南溟韻

吳時來

江漢西來萬里秋東溟蜃氣坐全收波搖絕域諸
天接日映洪濤衆世浮地盡東南須保障江吞吳
楚此咽喉望中細數青山淨擊析中流嘆昔遊

遊狼山用王中丞韻

林雲程 重見

颯颯江濤動早秋我來驚颺忽全收山襟虞復雲
中出寺帶金焦浪裏浮師帥慙予非鎖鑰江淮藉

五山全志 卷一
爾作咽喉登臨一嘯真幽曠不數當年峴首遊

登狼山

慮純忠 重見

郭外晴嵐欲染衣游絲飛絮弄晴暉江鼉吹浪搖
丹壁海鶴衝烟入翠微長日良朋延勝覽上方清
境息塵機白雲有約年年到薜荔山中願不違

九日登山

盧純忠 重見

秋色山中草木香登臨尊酒載重陽幽亭次第通
虛閣仄磴盤紆到上方天接峰巒雲黯黯地連江
海水湯湯自慚樗朽無仙骨石髓靈芝事渺茫

同沈嘉則遊軍山

湯有光 重見

風塵鞅掌意何爲滿目青山愜夢思殘日半江孤
鳥疾晴空萬里片雲遲青霞不動封丹竈白浪高
飛撲酒卮東去微茫秋一抹扶桑隱隱入雙眉

遊狼山

沈明臣 重見

羣驅寶馬出江關緩控銀鞍獨看山萬里晴光春
草遍一天海色暮潮還雲來莽蕩扶桑外地坼東
南楚粵間頭白懷鄉宅自淚問誰同此駐朱顏
秋日同林太守沈山人遊狼山分得濤字

黃克晦 重見

天半無雲峰勢高
風吹塔影落秋濤
欲隨朱紱登官閣
猶戀青蘿映客袍
夕照斜分飛鳥道
空江遙點釣魚舠
三年夢裏滄溟濶
樽酒依然海上豪

狼山觀水陣

盧純學 重見

十年踪跡薜蘿閒
春日懸崖喜再攀
立馬鶯聲啼萬樹
登樓雪色湧三山
帆檣影落烟波外
雲鳥旗翻海霧間
多少羈縻江上恨
愁看烽火報重關

白都尉無咎邀同社諸子遊軍山

盧純學 重見

朱帆畫艦出滄波
落日春風海上過
萬片桃花袍色亂
五千犀甲錦旛多
江翻雪浪鳴鼙鼓
山劃晴虹拂太阿
把酒况逢詞賦客
漫裁高調入饒歌

宿意上人山房

盧純學 重見

海上青峰夜獨登
月光先到最高層
懸崖寂寂藏孤仄
古木深深出一燈
雲密成帷留宿客
池清若鏡鑑真僧
喜逢印證心方悟
始識前身是慧能

秋日觀兵步王侍御韻

譚敬承 重見

五山全志 卷二
大江風日靄山城靈氣光搖海甸明巖寺鐘聲隨
雁度營門旌影逐嵐生兼葭霜染三秋老浦激潮
迴萬里平坐久渾忘身是客暫時幽賞愜吟情

遊狼山

泰州凌儒

層崖千尺片雲留海色江聲總一樓初旭籠烟山
靄合長風吹雪浪花浮摩天有路看黃鵠泛渚無
心狎白鷗琴酒追隨多地主慇懃分日作遨遊

春暮同人登狼山

郡人陳大益思受號謙所

春殘共躡白狼巔江草江花映綺筵望裏潮平波
似練座中風細柳飛綿水橫衣帶通吳地霧散山
崑見瀑泉清興爲君今日盡不妨中聖月明天

登狼山

朱當世重見

白狼山郭紫騮驕緩轡看山路不遙怪石千盤窮
絕巘支雲百仞插層霄長江天塹分吳楚大海雲
帆接薊遼本是神仙招隱地問誰同此伴漁樵

春日登白狼

海州王鳴鶴羽卿

溟海烟消出五山喜從佳客一躋攀望窮萬頃鯨
濤外力盡千盤鷺嶺間積水東南浮日出夕陽今

古送潮還坐來翻厭風波險欲訪山僧學閉關

登狼山絕頂

鄞縣屠隆 緯真號 赤水

高憑木末睨乾坤絕頂清秋雲霧屯風起欲乘黃

鵠舞潮來疑捲白狼奔地形浩蕩開天塹山勢龍

從夾海門一望直通窮髮國扶桑萬里見朝暎

狼山總兵王大將軍羽卿邀同陳如岡顧冲

菴兩司馬登狼山席間賦贈

屠隆 重見

一帶樓船控百蠻高秋明月照刀環微茫絕島鯨

鯢窟陡削懸厓虎豹關上將鷹揚天北極大人龍

卧海東灣銷磨不盡英雄氣好向安期覓九還

再同揚伯仲和登軍山絕頂訪法空禪師限

韻

王醒之 重見

手薙荆榛四十年蒼厓絕處別人天庭前貝葉西

來樹巖底桃花悟後禪山月江風生妙偈園瓜籬

豆結清緣倦來小憇團蒲上清梵依稀在耳邊

聞倭警

柳應芳 重見

東倭海外播烽烟回首扶桑蜃氣連白羽插書傳

幕府黃金刻印拜樓船朝廷欲問來王日父老曾
經入寇年辛苦折衝胡少保永陵一詔至今憐

登狼山

新城 王之城 會峰

牽裳欲涉畏江濱樓閣金銀莽不分漫道蒲鞭能
示辱其如羽檄正相聞舳艫影裏沉夷島組練光
中散陣雲蠟屐暫陪凌絕頂晚涼孤塔駐斜曛

登狼山閱水操

廣東 王安舜

狼山望海海江分縹緲狼烟徹斗文一朶芙蓉藏
五岳二營楊柳鎖千軍東隣日本連環島北接朝
鮮破斧雲若使太平清晏日不須長劍洗妖氛

登軍山

孫幼登 重見

一朶青蓮出水濱凌波不與四山羣臺荒紫蘚封
丹竈洞古青蘿掛白雲無復真人來煉藥虛傳帝
子此屯軍臨風一作登高嘯鸞鶴千羣下夕曛

遊軍山

孫幼登 重見

危梯躡盡覺身輕兩腋天風八翼生直上鸞厓擎
日月還扶羊角到蓬瀛潮頭鯨噴千峰晦雨脚龍
垂半海晴地坼東南填巨石汪瀾倒瀉賴長撐

五山全志 卷一
巡歷閩水操登狼山

肅寧 王九敘

浩瀚滔騰滄大荒看來大地總汪洋隣家東界說
西海何代桑田此渺茫戈甲連天驚澤國鼉龍入
陣走夷王白狼明月山頭問劍氣橫斜萬里長

登軍山

范鳳翼 重見

一山冷浸江泠泠晝霧晴嵐相杳冥鰈海低天浴
日月龍門坼峽奔雷霆丹霞猶貯真人竈異草不
上神農經沈瀲八字初縱目別峰方展芙蓉屏

飲狼山賦得江頭月

范鳳翼 重見

把酒臨風歌慷慨空江月色正蒼蒼宛然訪戴溪
邊雪擬是降胡塞外霜一片靈心相映發百年天
地此流光因君薄海無傳箭羸得清時共舉觴

秋日登狼山

金陵 楊應春

綵鷁樓舡控石頭白狼門戶鎖洪流平吞遠近三
千島雄鎮東南百二州獨立海江撐宇宙雙擎日
月老春秋登臨胸次同空濶迥迥翻增社稷憂

登狼山感時事

楊應春 重見

滾滾波濤萬里愁誰將砥柱遏奔流旄頭不卽銷

金陵劍氣空勞觸斗牛北極樞臣爭勝算東方將
帥畜深謀坐來欲借長江水一洗天戈碣石頭

狼五山

潘允諧 重見

桃花萬樹并春開煉藥真人尙有臺笙鶴月明來
嶺嶠魚龍陰曠噴風雷團瓢遠近依林莽碑碣蒼
茫沒草萊遐覽冥搜餘感慨登高若箇大夫才

又

千尋峭壁繡苔衣日日游踪歷翠微杖底烟霞分
鳥道酒邊歲月溷魚磯祈靈士女春駢集問法山
僧夜獨歸會得竒情足竒賞十洲三島是耶非

登狼山

常熟 張景房

攀蘿捫薜挾天風吳楚烟嵐一望中日湧祥光鋪
錦練雲籠瑞色靄瑤空松陰落落浮僧舍鍾韻悠
悠出梵宮乍喜鯨鯢爭伏鬣狼烟從此淨江東

狼山道中

周長應 重見

白狼秀擁海門隈攜勝行遊萃景回舩艤以風生
浪去桔槔之水上山來烟波天地萍蹤濶鼙鼓樓
船蜃氣開四塞只今多帶甲請纓誰拜將星臺

五山全志卷之二
登狼山值王大將軍閱兵

郡人 白秉清 天一號 水鑑

樓船逐隊擁旌旄玉帳熊師老六韜官閣一聲宣
號令軍山萬櫓起波濤刀痕落水鯨魚遁陣勢奔
雷鬼魅號薄海近傳多急警書生誰負請纓豪

南通州五山全志卷之十八

知通州事遼左董權文叅閱

五山外史閩中劉名芳纂修

郡人 徐 嶺捐梓

藝文 八 詩

七言近體 下

明 下

登狼山

海寧 陳祖訓 昭華

山鳥山花處處妍幽探興劇恣留連風清島嶼還

今日雲亂樓臺自昔年賈舶晴飛天塹雪人家秋
老海門烟塵心到此全消盡擬向空巖結一椽

登軍山

郡人 錢良心 沃明

大江南控古琴川頰际中流立一拳秦始浪傳來
遣戍燕真何處去游仙春風花氣薰僧榻落日潮
聲撼客船信宿塵揮茶話裡雲深嵐重境悠然

望海

朱謀晉 重見

滄溟亘古水涵空萬事消沉向此中魯叟乘槎原
有感秦皇驅石竟無功鯨鬚噴沫前汀雨鵬翼垂
天別島風波外百蠻歸聖化戈舡不出遠帆通

狼山觀兵

山陰 祁豸佳

豹峙獅蹲山勢雄江南江北望中通旌旗濕影飛
江浪鼓角寒聲靖海風日暮神蛟潛夜壑月明野
鶴度秋空磨平千尺狼厓石勒取澄清第一功

冬宿狼山

郡人 錢一驄

岩巖寶刹枕寒江水淨沙明竹映窻天劃竒峯分
作五人依皎月自成雙謝安劇興耽棋墅李白豪
情寄酒缸永夜清吟應不寐塵心已向醉中降

詩社集狼山分得驢字郡人胡澄一止水

甕有香醪庖有菹上山還喜及春餘雲扶樓閣凌
丹嶂潮擁帆檣落碧虛歷盡橫空身類鳥歸來倒
跨手牽驢須知魂魄猶登此羊叔當年實啟予

登狼五山邵潛重見

足躡罡風不自危芙蓉片片鎮相隨勢蟠楚尾開
天柱形控吳頭轉地維林靄千重迷北極江濤萬
折固東陸乾坤極目寬如許白首鄉關何所為

狼山金陵顧夢遊與治

茲山特以水生竒極目迷茫混兩儀南際點青無
對岸東連一氣是諸裔高峰塔語潛蛟立絕壑風
鳴介馬遲誰使暴帆驚酒盞樓船新有誓師期

狼山興化李長科小有

絕頂烟巒接大荒海青江白界微茫龍沙走浪千
重險蜃氣飛空萬里長塔可支雲天砥柱巖能受
月地流光還尋石上前賢字古壁蒼蒼映夕陽

遊狼山汪逸

法堂纔憩卽攀梯天漸非高寺漸低遠樹有光寒

五山全志 卷之六
醮水急泉無韻亂奔溪興來躡磴身偏健老去看
山目迥迷地近廣洋多異鳥麻雞叫罷叫花雞

馬鞍山

胡拱極 重見

馬鞍山亦在江濱煬帝遺踪昔所聞洞口常飛仙
女月峰前時起望姑雲烟波浩浩兼天遠竹樹陰
陰待日曛回首忽驚過十載重經巖下重醺醺

登狼山

河南宋生 子春號 强齋

萬里長江飲百川海門望去灝無邊吐吞日月朝
昏異搖蕩乾坤上下連窳地峭岩相束縛排空怒

浪受拘牽却將一片堅凝氣保障東南半壁天

登狼山

新城王與襄 龍師

春到兩山寒欲消一天風日渡江潮浪花遠汎千
山雪屨氣長浮萬里橋地控東南成砥柱峰連吳
越插雲霄無庸更擊中流楫已有樓船鞏聖朝

遊軍山

余峯 重見

屹立千尋江上山乘春折葦共追攀衝風不畏鯨
波險攬勝期收瑤草還氣合蓬壺三島外烟籠玉
笈五峰間神仙窟宅遊非偶好吸金莖一駐顏

春日遊五山

如臯 沙 鼎 梅佐號 盱江

柳醉江城喚未醒
筇輿穩坐過長亭
花粘屐齒連山紫
草拂裙腰映水青
嶺上雲封前代寺
崖前僧曝舊時經
徜徉邱壑餘殘照
嚦嚦鶯聲正耐聽

宿塔山僧房

郡人 馬振飛 杏巖

斷崖秋草鹿為家
落日鐘聲坐晚霞
笑我忘攜雲液酒
逢僧却試月團茶
千竿修竹深深屋
一帶疎籬細細花
信宿話殘興廢事
佛龕燈火夜趺跏

狼山

郡人 王兆陞 仙珮號 省軒

山開樓閣畫圖同
吳楚烟花一氣通
拔地長松蟠澗北
摩天小鳥下林東
澗吞鮫室春波綠
磨滅龍宮夕照紅
蔓草荒烟勞極目
千秋憑弔酒杯中

狼山

閩秀 王璐卿 重見

山色蒼茫水拍天
樓臺隱隱望中懸
紅生枯洞花容麗
綠上平疇草色妍
解渴爐烹千嶂雪
濯愁毫灑一江烟
遊人盡日迷金粉
誰向松坡聽石泉

春日遊狼山

郡閩 錢令暉 亞芬

芳洲新綠長蘼蕪
聯袂山行石徑迂
雲繞懸巖開

畫閣天連絕頂挂浮屠松鳴彷彿人吹笛浪卷依
稀女弄珠閒憇幽亭舒眺望江花冉冉映紅襦

國朝

軍山

李廸

重見

壁壘橫江截海門山能靜鎮儼居尊蒼松蟠窟雲

舒卷

指獅子窟

亂石攢灣浪吐吞

指亂石灣

鼉鼓驚傳空谷

響猿聲咽斷急流魂等閒人世滄桑變贏得桃花

峪尚存

山夜

范國祿

重見

江天共載幽人約風露無邊燈一庭清夢不隨流

水去暮潮疑帶雨聲聽長年偃息人如古到此潛

空山亦萍萬木歸林深磬曉月明猶自照孤汀

自迴龍岡口循山趾看石壁取道山前

范國祿

重見

取次登臨却受程褰裳不負看山行烟皺落碧森

陰合斧劈空青野草晴一晌流光沉太古長年風

雨撼浮生游情歷亂探音盡瞥目江門天水平

山入塔山

范國祿

重見

山外看山山未已到來清思動松杉嵐光欲冷嘗
依谷石勢能幽不在巉曲磴花中留鳥跡怒濤天
末送江帆雲情一片深何限風色先將秋到巖

馬鞍山

范國祿 重見

何年江上人開逕劃壁平臨老石藤似雨風來特
無次最高巒又不多層幾山到此能餘望一水連
波較更稜峰色自南還向北炊烟時共晚嵐烝

宿狼山

邵幹 重見

數載登臨與願違偶然棲息托岩扉月生海市當
窻出潮上江門拂檻飛手裡盃深天地小胸中塵
斷利名微何緣卜宅芙蓉頂一榻松烟下翠幃

山中閒眺

徐敷 重見

振衣直上最高亭斷壁危岩險復經花塢鈴聲驚
鳥夢石林雲氣帶龍腥江吞吳楚連沙白山挾樓
臺插漢青天幕四垂烟欲暝島門斜日數帆停

家方岳葵周招同何御六范汝受遊狼五山

徐敷 重見

江海竒觀擬在茲吳雲楚岫日相期駐軍浪說秦

皇事放馬空傳煬帝時
戰艦鼓銷龍卧穩禪關鐘
斷月來遲移樽更上懸崖坐
夜靜霜寒醉不辭

山居卽事

郡人保爲已 先民

古刹風消萬壑清
桐陰新染碧烟輕
僧歸自候茶
經火客至同班竹
院荆空谷倦禽啼
有次虛庭病
葉下無聲適情
隨意吟長晝
閒似神仙物外行

觀潮

郡人錢濤射夫

萬里春潮頃刻生
望中羣壑片時盈
潛魚得澤皆騰躍
畫鷁乘風正穩行
山色遠隨雲外暗
水光遙

向日邊明清平
婦子桑麻足
不畏鯨鯢夜吼聲

遊狼山

天台陳基 敬初

天風吹上狼山頂
看見扶桑日出初
淮海北來吞兩楚
江湖南去控三吳
珠宮貝闕馮夷宅
古木蒼藤帝釋居
爲訪祖龍鞭石處
拇窠履跡定何如
鯨波渺渺四無涯
閭闔天低手可排
一塔倚空凌浩劫
兩潮爭港撼層崖
半晴半雨龍歸海
衝暖衝寒雁度淮
安得乞身依佛日
遍尋靈跡訪齊諧
五峯相顧若支撐
力障狂瀾與海爭
下界人居龍

伯國上方僧住梵王城佛庖香訝山無蕨公膳腥
嫌市有螳王事匆匆騎馬去落花啼鳥總關情

狼山口觀兵

陳基 重見

官軍野次狼山口鐵騎犀舡盡虎貔杼軸萬家供
餽餉旌旗千里亘江湖膝行擬伏諸侯將面縛行
巾兩觀誅淮海父兄爭鼓舞將軍恐是漢金吾

登狼山山樓感賦

秦州 鄧漢儀 孝威

衰草荒原恣客遊蕭條清興更登樓百年風雨帆
檣下萬里蛟龍日夜流不盡旌旗迷野戍有時燐
火照鄉愁年來生計漁樵苦何處鴟夷一葉舟

登狼山

吳球 重見

買得籃輿訪舊山琴尊偕我到江灣空廊雨過雲
林靜淺渚潮歸沙草閒身陟平崗逢石坐路連曲
磴倚藤攀遙窺佛火尋僧處犬吠松房門未關

軍山

秦州 陸舜 吳州

一峯離立隔江湄不到紅塵與世遺地沒蓬蒿遊
客斷秋荒橘柚老僧知寒風邱壑啼猿狖落日樓
船息鼓鼙此日河山不用武軍容銷盡絕偏師

登狼山

祁門

程良智

若愚號
破菴

踏遍層巒午正亭危欄天半俯滄溟怒濤拍案噴
晴雪疊嶂排空列翠屏翰墨千年摹古碣鶯花三
月似晨星探竒更上支雲頂楚尾吳頭一片青

夢登狼峰頂

姜任修

重見

放浪何從出世遊仙人上鶴駐山頭白雲滿把入
吾袖滄海一泓盈帶鈎舉手直捫天帝闕翻身偃
卧縣圃邱剛風助我激長嘯嘯破塵封萬古愁

狼山秋夜

李

堂

重見

少憇亭危石磴欹蕭蕭露下客何之那堪夜靜空
山裏更值秋深落木時燈火猶然唐佛宇荆榛未
剪宋賢祠眼前多少飄零感不待春風士女知

重登狼山

郡人

釋超際

衍燈號
衍道者

少年結伴此山遊此日重登半白頭依舊波濤還
有怨比來饑渴不無憂日窮天外身猶累名落人
間跡亦浮望斷江南青未了一聲杜宇哭林邱

黃泥山題壁

丁有煜

重見

斷竹頽垣老夕陽殘燈孤磬接滄浪去來野渡江

門白剝落山泥秋雨黃仙女辭菴環珮遠諸賢出
洞姓名忘狼峯西下尋幽處爭向巉巖問葯房

山中雜咏四首

丁有煜重見

綠水盈盈半是田一城無恙足饒年桑麻匝地愚
兒女烟火連村沸管絃天意肯教忠信薄山情恥

以茂苞傳品題直欲增聲價時南廬纂修山志獨立峰頭

思渺然

山中坐雨

黃煒重見

五朶芙蓉著雨妍塵氛浴盡翠含烟簾櫳拍浪樓

臨海襟袖生雲座近天到此便為遺世想破家擬

辦買山錢吟深古剎風林晚一杵疎鐘出碧巔

山遊

郡人單自成成周號思亭

氣連江海勢凌空十里尋來興未窮碧樹樓臺春

雨後赤烟崑岫晚晴中雲從飛磴凹間宿月向遙

岑缺處通更曳一筇登絕頂眼橫濕翠撲天風

軍山晚眺

楊彤重見

菱香藕脆蟹螯肥抱甕峰頭酌翠微山暝疎鐘催

月上林寒野鳥破雲歸沿江燈火擎天出入港帆

五山全志 卷之八
檣挾浪飛滿目白凝丹桂露西風碎盡芰荷衣

登軍山

邵人釋明悅秀穎

廿載青峰幾度遊茲來倚杖雪盈頭十圍松柏封
丹穴四面波濤擁碧流有天應有累無朝無
暮自無憂烟霞不斷風塵遠容我忘機對白鷗

劍脊山題壁

劉名芳重見

天低海腹易晴陰蛟窟龍宮逼翠岑橫過風雷停
極浦倒飛日月上疎林息機鳥抱孤僧夢歸岫雲
生倦客心古刹半間栖絕頂荒涼人棄我探尋

山中雜感

劉名芳重見

薜蘿烟密午陰昏人醉江天酒一尊破衲僧縫黃
葉寺荒巢鳥補白雲邨十年見鴈無鄉信萬里看
山有淚痕獨立西風思往事不因秋老客銷魂

春日懷五山外史劉南廬

王丹慶重見

記得峰巒似赤城石門霞起別留情荒天著述窮
無憾僻海風濤惡不驚紅杏倚雲空北望青袍妬
草又東征乾坤我亦含愁劇魚素何當更寄聲

遊狼山

舒城夏用楫蘭臺

五山全志 卷八
名巒頂上謁空王孤塔纔登望渺茫東去有天皆
海市西來無地不江鄉時平翻受風波險計拙虛
隨日月忙向晚角聲何處是危欄欲下意倉皇

觀海

吳景新 重見

山奠川分萬派朝谷王形勢撼天腰波連吳楚東
南盡關枕幽燕西北遙秦石縱鞭空漬血禹竈雖
架不成橋藐姑有界容凡到當過滄溟探九霄

登狼山

遼海 董權文 體純號西崖

翠靄層層聳峙巒攜壺拄杖喜同攀乾坤誰解忙
中老今古人偷醉裏閒秋到五峯南度鴈水歸萬
派北環山凭闌未盡登臨興目送斜陽不忍還

登狼山

漢州 陳惟謙 退思號醒園

入雲臺殿絕塵埃面面空明眼界開山到五峯江
北盡水連三峽漢東來鱸魚風亂思歸切越燕巢
寒近社廻客裏登樓應有賦白頭無復仲宣才

遊馬鞍山

郡人 錢大年 嵩齡號艾子

踏青羣出城南陌江上獅峯乘興登戴笠穿雲橋
畔客披衣坐石竹邊僧殘碑字蝕疑魚魯曲水觴

流感廢興浪飲不知歸路晚當門破鏡正飛昇

登狼山口號

張廷珪 重見

今古愁心思寂寥涼生臺殿鬢蕭蕭東來又見蓬萊淺北去空看紫極遙海濶有雲迷四野天低無路上層霄乾坤浩落山河在松檜西風葉未凋

登狼山

靈州王綏 履齋

狼峯嘯傲是神遊今日身登萃景樓雲鎖層巒栖鶴穩烟開半嶺野狐愁潮來潮去城通港時漲時坍海近洲漫道昇平稀適興江邊愛看打魚舟

登狼山

湖廣張璠 朴菴

茫茫天地大江流極目長空萬里秋幾點漁舟衝海鴈數聲牧笛起沙鷗直凌霄漢雲霞近平接蓬瀛島嶼浮百歲滄桑經幾變青松翠柏自悠悠

登狼山

鎮江何輝祖 香山

白狼舊蹟值新秋楓葉蘆花入望收南北岸橫江海甸東西帆挂楚吳舟寺懸一塔倚長漢山列五峰砥末流宋玉悲吟懷不盡杯前對景且勾留

登軍山

郡人徐嶺 崇山號 蘭龕

伏象何年始著名何太僕棟如謂白雲青草結山

情西來曲折江濤盡東去蒼茫海氣橫絕頂犬從

天上吠半腰僧在樹頭行新畚千頃環山麓烽燧

烟消樂太平游蘇州蘇州人望神廟非此山也

狼山夜遊

郡人保元定景山號

驚嶺駝峯幽復幽清虛宜向月中遊鐘聲歷亂爭

傳夜海色荒涼自湧秋風撼龍吟松影動雲迎山

走水波流藉舒雙眼無聊賴漏盡還登塔上頭

登狼山

泰州陸禹璧人號

轟轟中峰割曉昏憑虛小立靜無言心依古佛同

僧寂耳聽寒潮作雨喧香火三春烟徹漢松杉一

路翠迎門十年兩上崔嵬地瞥目滄桑幾變翻

南通州五山全志卷之十九

知通州事遼左董權文叅閱

五山外史閩中劉名芳纂修

郡人徐嶺捐梓

藝文九

詩

五言排律
五言絕句

七言排律
七言絕句

五言排律

明

秋日遊狼山

興化王開敏

興到倏孤往尋山望轉迷
暝烟凝遠近斜日辨東

五山全志 卷之六
西長路苔侵屐巉巖作梯峰形驚鸞鷲石勢詫
俊猊古塔層霄接殘碑蔓草萋放歌飛雪調長嘯
動天倪月可龍珠借霞堪鶴背攜青天潛颺颺濁
浪吼鯨鯢雨挾江風度雲同谷鳥棲勝情誰晤語
厓壁自留題

遊黃泥山

湯有光 重見

離立五芙蓉遊探到夕春黃泥更奇絕綠酒且從
容野鳥聽爲曲江雲截作供已將塵境隔或可異
人逢塞磧生靈草支厓偃怪松林紅楓萬片巖碧

樹千重喘歷透迤嶺危攀岵嶴峰飛梁盤蜿蜒縣
溜滴琤琮石訝蹲蒼虎濤疑卷白龍壑幽青藹積
洞古紫苔封排險寧憂足呼奇各拊胸思深通窈
眇談捷鬪機鋒才子憑長句衰翁信短筇七賢都
復爾二客不能從擬遣區中景而追物外踪肯教
猿與鶴他日怨周顒

甲寅王宛委招飲狼山新署仍移酌劍山之

陰卽事

范鳳翼 重見

虎牙分閫地狼阜壯規摩憂國同征虜籌邊若伏

波威伸撫士下興到樂賓多觴政從軍政饒歌間
雅歌捲簾納蒼翠憑几面嵯峨亦復移行帳因之
勸叵羅日翻旌旆出谷響從伶過壓地雲千片環
巖錦一窩積陰滋古蘚斷壁引織蘿亞石狂花淺
歸巢鷺鳥和牙檣標海月文練印沙坡訪蹟空秦
劔留歡借魯戈樓船方晏寂鈴閣任婆娑醉酒兼
窮勝含情奈爾何

七言排律

明

冬日同社中諸子登狼山遂訂買山之約席

上同限山字

范鳳翼 重見

自是蓬瀛只尺間十年輕別此重攀雷霆長吼鼇
鼉窟日月平吞虎豹關黯淡寒花翻白媚杈枒古
木不宜刪千磬怪石酬奇癖一曲澄潭清道顏杯
外亂帆來點點琴中流水聽潺潺生憎敗葉侵華
鬢坐愛層雲疊翠鬢濤觸奔厓俱作怒石通靈氣
總無頑清時容我抽簪易險絕欺人着屐艱酒到
騁懷多不次談兼戲謔雅能閑汝曹各競千秋業

吾意惟營幾片山出世孤情依老衲隔林清籟動
仙環雞聲叫破東方白蠟炬燒殘夜色殷傍佛一
龕宜客嬾拋經半榻與僧閒渾忘夢裏周爲蝶那
問塵中觸與蠻

范異羽招遊狼山

孫幼登 重見

名山十地作禪關勝日諸天得共攀骨長烟霞窮
更傲身投邱壑老逾閒魚鰕侶傍蛟龍窟鷗鷺羣
依鵝豹班地陷東南撐五柱天浮日月走雙環吳
山一抹青橫黛楚樹千重翠擁鬢僧磬韻隨雲斷
續漁歌響蒼鳥縣蠻一時結社憐稽阮千古稱詩
詫謝顏吸海吞江澆磊塊談天說鬼恣癡頑臨風
忽作蘓門嘯孤鶴俄驚嶺半還

五言絕

明

狼山晚歸道中作

黃克晦 重見

上山戀松雲下山日已夕江月一痕生不愁歸路

黑

其二

前山無夕陽猶問夕陽洞天寒人不行山僧出相送

狼山坐月

范鳳翼 重見

補屐拭蒼苔支筇撥青靄窈奧無人蹤呼月來酬

對

夢遊馬鞍諸山

范鳳翼 重見

秋風吹夢長夢入山之隩猶記月微明蒼厓穿白

道

軍山

釋達旦 重見

諸龕看結構各擇境之幽時復聞奇響還如對好

秋

賣字五狼偶成三絕

冒襄 重見

偶發遊山興聊為賣字翁奇懷付老筆莫漫此相

逢

七十何所求而况當八秩淵明拙言辭吾以托之

筆

春蚓與秋蛇虎卧兼龍跳我願識字人放眼觀其

妙

秋暮

釋淮海

牧笛吹殘照漁歌送晚霞鐘聲聞數里端不亂栖鴉

國朝

夏日山居雜咏

劉名芳 重見

夏木得繁枝綿蠻啼近戶鳥知羅網稀人外依巢父

坐久耳根清珊珊梧竹響天風落袖襟空谷起遐想

風亂斷烟飛短衣開崑崙松房暑雨過几席生秋

水

涼雲塞逕庭舉足出無路夢裏波濤翻床頭有古

樹

七言絕

宋

遊狼山口占

錢塘元 絳厚之

身屬公家等逸民偶來香寺拂衣塵林僧莫訝徘徊久本是深山嗜隱人

五山全志 卷九 八九日狼山

蔣之奇 重見

山頭極目近天涯不負登臨賞物華
一任秋風吹落帽寧嗟白髮對黃花

重過狼山

蔣之奇 重見

不到狼山已十春舊題空積壁間塵
重來風物還如昔只有人添老病身

江口

文天祥 重見

渺渺乘風出海門一行淡水帶潮渾
長江盡處還如此何日岷山看發源

海口

文天祥 重見

滄海人間別一天只容漁父釣蒼烟
而今蜃起樓臺處亦有北來番漢舡

泛海懷通州

文天祥 重見

江波無奈暮雲陰一片朝宗只此心
今日海頭覓船去始知百煉是精金
范叔西來變姓名綈袍曾感故人情
而今未識東風面傾蓋江湖話一生
喚渡江沙眼欲枯羈臣中道落崎嶇
乘船不管千

五山全志 卷之五
金賺漁父真成大丈夫
中散寄詞歸來舉不營干
仲連義不帝西秦投宅逃來住海濱
我亦東尋烟霧去扶桑影裏看金輪
會知人海而今未始東
孤舟漸漸脫長淮星斗當空月照懷
今夜月明棲海角未應便道是天涯
白骨叢中過一春東將入海避風塵
姓名變盡形容改猶有天涯相識人
淮水淮山阻且長孤臣性命寄何鄉
只從海上尋歸路便是當年不死方

出海

文天祥 重見

一團蕩漾水晶盤
四畔青天作護闌
着我扁舟了無礙
分明便作混淪看

其二

水天一色玉空明
却似乘槎上太清
我愛東坡向南句
茲遊奇絕冠平生
明

狼山凱歌十首

成都楊文慎 升菴

狼山原上陣如雲
孟瀆河邊早策勛
水弩解清川

後浪天戈能駐魯陽暉

舊統邊軍亦水犀
新封京觀是鯨鯢
文昌奏入中黃霽
武庫兵收太白低

按轡休兵楓樹林
絕流飛渡早傳音
風前鷓退吳山靜
月下龍吟江水深

關山新月照鳴笳
河朔清霜淬劍花
塞上征夫猶萬里
北京歸路敢言賒

立草青霜飽紫騮
雕戈畫戟擁清油
歸來始識從軍樂
痛定翻思在賊愁

嫖姚身健驕驕肥
立近天家日月旂
忽報內庭傳聖旨
掛紅分隊出皇扉

鷺鼓聲中曉日曛
貔貅初散鳳皇門
纔從魏闕瞻中展
便入容臺飲上樽

去時宮柳萬枝黃
歸路寒葭滿地霜
挾纊已溫良月候
吹綸更作小春芳

三軍喜氣失嚴冬
萬里中原罷戰鋒
甲帳籌功星兩兩
午門傳捷日彤彤

無定河邊望旆旒
居延城外戢弋鋌
家家喜語占

五山全志 卷九
鳥鵲不用金釵當卜錢

遊狼山

劉澄甫 重見

江草江花日暮時千巖萬壑碧參差老僧不省興
亡事自洗幽岩乞客詩

同芹溪凌中丞登山

上蔡 張惟恕

雲開萬里江天濶徑轉千尋石磴高塵世百年難
此會相逢况復有人豪

次前韻

凌 相 重見

點點白鷗浮浪狎稜稜孤塔倚天高朗吟却愛張

夫子小醉臨風興轉豪

登山次張蘆岡凌芹溪韻

顧 磐 重見

樹色嵐光翠滴衣江門初日正熹微憑欄極目潮
生處天際孤帆鳥共飛

鶴巢幽樹衝雲出僧老閒房共竹安滿眼新詩堪
采擷詎因紅紫惜春殘

狼山報捷

曹大同 重見

玉帳傍臨江月寒牙旗橫掣海雲殘煌煌鐵騎風
雷擁燦燦金精龍虎盤

又

萬鏃千鋒殺氣多
鯨鯢初剪海澄波
凱旋馬上紛橫吹
樂部新翻水調歌

又

肘後鷺羽金僕姑
帳前燕尾繡蝥弧
登壇獨立揚新令
萬甲千營共一呼

又

獻馘執俘俱塞途
六月提師遵廟謨
滄海洗兵波可鏡
青山秣馬月平鋪

平倭奏凱

陳

堯

重見

寶纛雲旗十萬兵
樓船不鼓放歌行
驚濤直吼蛟龍窟
殺氣常懸虎豹營

又

海上風波已晏然
洗兵甘雨入豐年
諸生好作平蠻頌
散作民間譜管絃

遊狼山

徐

爨

重見

千尋石柱抵狂瀾
浩渺無塵眼界寬
獨坐此間無箇事
好將山作畫圖看

五山全志 卷九 詩 七絕
登狼山有感

林一桂 重見

入畫狼山景足嘉
濤聲松韻老僧家
無端報道使君至
白鶴驚飛不近茶

贈山僧

華亭 陳繼儒 仲醇

薙草澆花老比丘
焚香時坐最高樓
年來蹤跡厭城市
嘗向隣家借釣舟

狼山

邵潛 重見

草色春深綠欲齊
白狼陳迹翠烟迷
鞭山驅石人何處
花落空林鳥自啼

劍山

邵潛 重見

懸厓削壁倚天開
聞道君王淬劍來
一去翠華無處覓
金機時復出莓苔

馬鞍山

邵潛 重見

走馬東巡破海天
層岡一幸主恩偏
只今龍騎鳴鑣處
蒼蘚春深繡錦韉

山僧瀹茗

姜玉菓 重見

老衲慙慙煮石花
紫茸香嫩落杯霞
山中長夜看明月
不怨谿邊少酒家

五山全志 卷之九
別狼山
周長應 重見

廣陵海氣壓羅浮浪逐烟霞隱此州屈指尋山緣
不淺四年二十五回遊

其二

五百年前此采真而今幻結四年因別來州九遊
將八十二樓中我輩人

不踐登山約

閩秀陳 潔 重見

春山云麗懶登臨靜宵迴廊花氣深細草新苔他
自綠午陰猶自擁羅衾

遊仙曲三首

陳世祥 重見

衍波小幅膩于紈乞向宮中賦曉寒舊識雙成知
酒渴瓊漿先進紫瑛盤

幅練當門處士家盤崖琦樹蔭交加釀成玉屑欣
然醉睡過蟠桃兩度花

一枕清風夢未濃孤烟九點沒無踪桃源兒女能
多少只曉秦家說祖龍

望海有感二首

郡人 王觀光 奕昌

海色空濛日夜浮潮聲捲雨氣常秋桑麻半寄蓬

五山全志 卷九
萊窟倚遍天南百尺樓
紫浪宵來萬仞高
洶洶雲氣捲波濤
青松白日嘗如此
須挈長竿釣巨鰲

遊山口占

張鵬 重見

歷遍琅峯翠靄間
短筇聊共白雲閒
老僧指點蒼茫外
遙認江南一帶山

山閣曉霧

閩秀 王璐卿 重見

空濛曉霧隱山家
孤塔橫雲樹色斜
川鎖石墻塵不到
輕風吹濕杜鵑花

游仙曲

王璐卿 重見

洞門瑤草露華濃
出沒烟霞十二峯
歸到山中炊白石
飛泉一道響丹松

國朝

山中採藥辭

范國祿 重見

年日峯高沉雨風
松烟流粲碧霞空
山中雲物涵真氣
一草千霜染不紅

重遊軍山

徐斲 重見

普陀別院法空師
不朽開山老住持
十二名菴今

五山全志 卷十一
在否夜猿啼處雨絲絲

觀海

李

迪

重見

十丈潮頭壓遠山東流萬古不曾閒願教盡變長
生酒大會同人五嶽間

再過狼山

閩人泰州籍

黃

玠

玠右

五琅山水自悠悠七年不向此重遊如今再到經
行處山色猶青我白頭

泛舟白狼山下

集杜

邵

幹

重見

青山落日江潮白復道重樓錦繡懸置酒張燈促

華饌葛巾欹側未回舡

登狼山

郡人

馮京撰

異修號虛菴

塔影倚天勢欲飛江雲海霧鎖禪扉息筇一憇芙

蓉頂聽久松濤翠滿衣

寄丁明府歸隱軍山

郡人

李玉鋹

貢南號但山

漫漫宦海想山家紅滿江隈綠滿沙一枕春濃清
夢穩石門竹屋薜蘿遮

盡日焚香試露芽著書人老興猶賒尋常一樣龍
團餅紅袖拈來味自遐

五山全志 卷之五
江峯日落樹栖鴉白玉杯中五色霞銀燭燒殘人
未醉海棠花響聽箏琶

同占雨露憶桑麻結子開花兩兩差我亦迂疎塵
外客至今飄泊向天涯

軍山 時閩中劉南廬流寓於此 揚州 郝正繹射堂

沙外寒濤萬斛傾林端一片夕陽明都為逸者山
居占窮海於今不弄兵

南通州五山全志卷之二十

知通州事遼左董權文叅閱

五山外史閩中劉名芳纂修

郡 人徐嶺捐梓

志餘 正譌 遺事

正譌

狼山高以丈計者五十而週迴五百一十二丈劍
山高計以丈者四十而週迴五百丈軍山
六十一丈之高六百五十二丈之週黃泥山二

十三丈之高五百四十六丈之週馬鞍山高十
有二丈其廣袤三百五十五丈也按州志狼山
高五十三丈劍山高二十有九軍山高過劍山
六丈黃泥山高十有七丈馬鞍山高同黃泥山
皆漫不加度訛誤之甚者也

狼山昔名軍山昔之好事者相傳祖龍嘗駐軍中
峰夫中峰狼山也按州志天祚巖在軍山爲五
代時姚存艤舟所題識始未悟遂于今之所謂
軍山者遍尋訪之杳不可得一日得之狼山乃

悉昔之名軍州志第載在軍山未申其說者蓋
因舊志所載載之卽操觚者亦茫不知題刻果
在于何處也王宜亨記云秦始皇嘗駐軍中峰
名爲軍山軍之名不顯于狼者土人狃于舊聞
也

狼山之西昔名馬鞍山蓋肖其形也後訛爲塔山
今以土色稍黃遂呼爲黃泥山黃泥之西昔名
仙女山蓋因有女隱此仙去也因建仙女塔一
名塔山後訛爲馬鞍山按丁丑州志馬鞍山以

形似名上有積翠峰在元君祠前今元君祠現
在黃泥山西不知今之黃泥爲昔之馬鞍獨不
觀元君祠乎獨不觀山之形似乎宋劉弇記云
有以形銳且中罅者曰劍脊曰馬鞍則以附狼
山而並敘者也又丁丑甲寅二志皆曰通濟閘
在塔山西下迄今馬鞍山西巖壁上舊刻通濟
閘三大字猶存不知今之馬鞍山爲昔之仙女
山獨不識通濟閘三大字乎劉弇記云仙女山
最外峙有穴通中頃歲嫗有自龍舒來者年七
十獨食息其中似得道者蓋劉弇時猶近古故
所記不失實後之爲州志者湯不考核始則依
舊志抄載旣則以時事信筆續成之致顛倒錯
亂可發一嘆

舊志及通州丁丑甲寅二志成謂狼山大雄諸殿
及浮圖爲唐總章二年僧智幻與郡人姚彥章
建而丁丑遺事志甲寅仙釋志又均謂僧智幻
宋太平興國間主狼山廣教禪院夫以總章至
太平興國不下三百餘載豈一智幻壽至數百

年耶抑前後兩智幻耶何自相舛誤若此丁丑
志又謂姚彥章爲彥洪夫彥洪庭珪之猶子也
乃受困于錢王鏐者考其時則去總章間遠矣
又謂狼山大聖塔亦唐總章間建考大聖本傳唐
龍朔初始入中國通天中隸楚州龍興寺景龍
間始建塔泗上景龍後總章數十載安得先建
塔于狼山乎則總章間之建大聖塔誤矣或者
所建非大聖塔並非智幻建也况智幻所作偈
人讀之知爲大聖後身則以智幻爲宋太平興
國間人宜矣

按陸游老學庵筆記宣和末有巨商捨三萬緡
裝飾泗州普照塔煥然一新建炎中商歸湖南
至池州大江中一日晨興忽見一塔十三級浮
水上南來金碧照耀而隨波傾颺若欲倒者商
舉家及舟人俱見之咸驚怖誦佛旣漸近有僧
出塔下舉手揖曰元來是裝塔施主舡淮南方
大災大師將塔往海東行化去語未竟忽大風
作塔去如飛遂不見未幾乃聞塔廢于火舒州

五山全志 卷三 四
僧廣勤與商船同行親見之今狼山支雲塔建
自宋太平興國間而大聖香火始著安知商舟
所見者非大師移塔于狼山乎狼山在淮南其
語又合也

鐵圍山叢談宣和歲己亥夏都邑大水幾冒入
城隅高至五七丈久之方得解時泗水僧伽大
士忽見于大內明堂頂雲龍之上凝立空中風
飄飄然吹衣爲動旁侍惠岸木叉皆在焉又有
白衣巾裹跪於僧伽前者若受戒諭狀萬衆咸
覩白衣者疑爲龍神僧伽所降伏者也狼山爲
蛟龍窟宅大聖鎮之有意爾

舊志及州志成曰藏經樓一名栖雲閣按丁丑州
志栖雲閣在西巖宋咸寧間建又蘿菴祖師塔
在栖雲閣下今栖雲閣址雖莫辨而蘿菴塔現
在小石塔西則閣址當在塔上考御書亭址卽
其址也

狼山小石塔西有蘿菴祖師塔石上現刻姓鄭氏
福州人緇流遞年輪掃咸以爲狼山開山僧智

五山全志 卷三
五
幻塔夫智幻姓田氏臨沂人也

狼山北巖石上有鞭痕昔之好事者遂相傳爲秦
始皇鞭痕石蓋據齊郭狼山歌曰祖龍神兵驅
不得揮塵成鞭有陳跡之句又旁引虞集註杜
詩合歡却笑當年事驅石何時到海東下三齊
地理記秦始皇作石橋欲過海觀日出有神人
能驅石下海行遲鞭之石皆流血爲証俗之好
怪乃如此概置弗錄

遺事

宋熙寧四年高麗遣使修貢將由四明登岸被風
飄至狼山新港以狀元來致云望斗極以乘槎
初離下國指桃源而迷路誤到仙鄉

正德七年霸州人劉六與弟七齊彥明楊虎寇掠
齊魯趙魏徐沛間上命兵部左侍郎陸完討之
屢敗其衆六死七與彥明等奪舟南奔犯鎮江
江陰已而泊狼山完時駐兵江陰會颶風大作
賊舟糜碎完密遣將劉暉任璽郤永襲之賊據

山巔矢石雨下暉等力戰奪其險據之賊墜崖死者無筭七乘小舟將遁溺死彥明爲宣府遊

兵所殺賊平

出州志

正德壬申歲燕寇劉七齊彥明率其黨浮江東下泊舟狼山港總督都御史陸完提兵征之陸姑蘇人也駐節福山與狼山隔一江而陣私計賊勢且敗敗則入海難圖矣莫若捐通州與之可以坐困遂按兵不進徒傳檄往來伺賊意所嚮以掩耳目賊令俘婦丁氏僞得罪而奔復遣僧

奴持書來索戰實見我強弱吾鄉邵叅政家居曰慎勿遣以伐其謀賊知計洩乃令百餘人至城下城中人發矢傷其酋賊大恚焚劫居民而去期以詰旦攻城人心洶洶有謀逸去者有聚家人約赴水火死者忽夜半風雨大作海潮突起數丈賊船翻溺盡喪魚腹其幸存者嘔吐狼籍殆莫能興陸聞之遣裨將邵永劉暉等過江與賊戰於山門賊以所俘男婦爲前鋒以當我師殺數百人皆瓜洲鎮江人也乃出令曰不附

賊者伏而袒臂衆皆伏地袒臂於是賊從山後登舟揚帆鼓譟而去時江中一浮骸衣甲華麗乃嗾丁氏認爲劉七骸婦陽應曰良是良是遂以捷聞陞賞有差惟漕運都御史張縉以尚書出督兵扼淮口賊不敢渡自稱爲有功嘗對客曰吾尚書也豈受都御史節制者陸聞之害其功不報張乃言於朝曰狼山之捷由江海効靈合建神祠以荅冥貺意在於陸也詔從之其後有司求大學士守溪王公作碑文王與陸同鄉親厚所作碑文敘戰功甚悉與張意殊悖豎碑日至山半裂而爲二乃箴之壁間紋至今猶在焉

出大觀樓著

嘉靖七年朝鮮人遇風飄至狼山港被拘於守禦所訊之乃其國王試官作詩云白浪滔滔上接空布帆十幅不禁風此身若葬江魚腹萬里孤臣一夢中又云跡殊溺海唐王勃事異投江楚屈平

嘉靖癸丑倭寇通州甲寅四月二日其衆三千餘

五山全志 卷三
復寇通州大肆劫掠縱火燔關外民舍及寺觀
殆盡殺男婦數千人僵屍蔽道傷楊郡及泰州
來援千戶數員二十四日五鼓悉衆攻城三門
箭如雨下城幾不保官軍力戰自寅及巳始退
走狼山二十八日各路援兵至合戰賊衆數千
艘遁去八月十六日又至勢愈熾後以火攻法
殲之乙卯夏四月賊衆五百餘由單家店趨狼
山所過焚掠殺狼山巡檢尹鼐奪舟去官軍
截其後舸於軍山殲二十餘人生擒二人丙辰

夏四月倭衆三千餘栖狼山大肆焚戮其前鋒
百餘人突入城下耀武而去復寇便倉知州喻
南嶽率民兵剿之斬首四百餘級衆始敗走巳
未夏四月二日倭衆數百艘乘汎大至志圖西
上狼山總兵以舟師往遏之賊迺焚舟登岸城
中恟恟知州李汝杜督民兵嬰城固守賊來偵
者捕殺之賊潛遁廟灣兵備劉景韶追剿殆盡
閩縣知縣仇俊卿云海寇之來每自南而北度南
鹿山則自廣入閩矣過流江寨則出閩入浙東

越海門則又浙之西矣踰寶山至吳淞沙上等處則又自浙入江南直隸矣沙上以南不暇泛及茲以海道之要害切於江北者言之狼山當江海之吭而料角掘港皆揚之東南界也胸山據淮海之首鬱州嚶遊山皆淮山東北境也中包泰興之周家橋鹽城之射陽湖山陽之雲梯關廟灣等處此皆沿海衝要之區寇盜可以停舶出沒之處皆據守所當先者也近奉欽依東西二海所雲梯關麻洋掘港俱設把總惟周家橋廟灣場一二處亦須添設把總其狼山胸山爲首尾之勢貴令叅將分布駐劄堵截海寇中間舊設新添官軍兵快悉聽叅將提調凡遇聲息百里之內同日應援不許互相推避致誤軍機各照律例重擬庶心力可一盜寇可禦又照臨清向爲此虜添築外城維揚近爲倭寇亦議築外城淮郡西湖嘴正人煙稠密處所一遇寇至搬移流離况二城所容有限欲將西湖嘴另築一城又慮財力地勢俱有未便聊將夾城中

間連築爲道一自新城東南角樓起抵舊城桃花營一自新城西南角樓起抵舊城北水關共計四百餘丈比之楊外城之工不及十之一二如此則兩城相通糧草兼濟攻守有備矣

吳郡監生金魚云倭寇之患起於吳浙而沿及淮揚蓋揚州富甲天下人所素聞三十五年之夏賊以二百餘人突至揚州城下城中謹閉自守任其遊逸無如之何大掠而去自是益生歆豔而揚州爲盜所必窺之地矣以江北之大勢言之東起廖角嘴大河口以及呂四盧家等場沿於楊樹港海門裏河通州與如臯泰州稍折而北則爲揚州矣過揚州而西稍北則天長滁州抵中都踰海門而北則爲徐步營又北則爲掘港又東北則爲新揮港轉而西北則金沙鹽城廟灣劉庄姚家蕩再西北則蛤蜊麻線等港而至大海口矣劉庄東北則安東安東之北則爲

海州蘘榆泰州西北則爲高郵寶應寶應之北爲淮安淮安轉西則泗洲以達鳳陽此江北形

勢之大畧也賊入海之道有二其一新港爲一道新港卽所謂三江口蓋由南江狼山越儀真瓜州而入登岸則卞家墳稍折而東則揚州矣此可入以登岸亦可從以出海者也此最爲便道其二則蛤蜊麻線等港沿北大海口爲一道大海口有水陸路南通廟灣與劉庄姚家蕩俱爲大鎮賊若據此我兵屯於湯潮岸等處賊南尋新港路出不得則必北循大海口而出勢所必然也若安東海州之東北有大北海不惟道里迂遠且砂磧甚多此不可運舟者也掘港新插港之東亦有北海砂磧亦多不堪重載此但可從以入而不可出者也是賊出海之路止有二途若其登岸之處則不一東則廖角嘴呂四場西則楊樹港徐沙營又西則狼山楊樹港北則新插港掘港皆其所從以登岸而入寇之路也夫賊所歆慕惟在揚州一執居民便問其道若登狼山必窺通州而揚州在西使於餘東餘西等處率民以掣其後則賊必不敢直前以寇

揚州若於廖角嘴呂四場或新插港掘港以進使於餘東餘西等處屯兵以遏之則揚州可無危故今餘東餘西等處最爲要地而當事者欲屯宿重兵以控扼賊鋒者有以也按江北之地細港委蕩固亦有之而平原浩壤則視吳淞爲多夫西北騎兵倭寇未易以櫻其鋒也旣得平地則騎兵可施三十八年之捷以西北騎兵三千爲之先衝可見也他有湯潮岸者文正公所築以悍海溢者也故亦名范公堤東南起呂四

場西北抵姚家場綿亘三四十里高岡平衍可用騎兵爲之長驅今東關瓜州俱已建堡若於廖角嘴呂四場及新插港掘港以進或不能西取揚州必轉之東北而窺淮安安東以據劉庄廟灣我軍苟能彼此夾攻逼之使至湯潮岸以西北騎兵衝其鋒而以火器繼之各路兵隨後擊之賊可以成擒矣故我軍惟利賊之至此者有以也新插港東臨北海素有鹽徒數百艘聚泊崇明北徙之寇欲劫鹽協徒而不果當事

者欲置官於此以提督鹽徒使不為賊用而為
 我用亦一見也夫寇興以來燒劫屠戮之慘吳
 浙淮揚所同若獲利之多則未有如淮揚者而
 賊所必不能舍者在是矣夫江北之地除安豐
 等三十六場俱在海內不為要害其要害之處
 乃通州也狼山也楊樹港裏河鎮也餘東餘西
 等場也廖角嘴呂四場也掘港新插港也廟灣
 劉庄金沙場姚家蕩也今皆已建城堡設戍守
 非若往日之無備矣其要害之尤者曰新河出

入最偏逼近揚州也曰北海所從以通新插港

且有鹽徒聚艘於此者也曰廟灣以其為巨鎮

而可通大海口也故曰當事者荆川先生欲以

把總三人一住新港一住北海

近新插港且有鹽艘聚泊也或

曰廟灣以北之北海疑未是

一住廟灣一為陸路遊擊住劄

海安鎮若海安在如臯泰州之間東可以控扼

狼山通州海門之入而西可以捍衛揚州也

上已

二條俱出籌海圖篇

狼山把總徐正得鐵鈔於江中形製古朴不類近

時物其歛識數字漫不知爲何等語也一日置之舟前颶風大作海潮突起隣舟皆簸揚上下不能駐足而立獨此舟晏然如履平地明日置之他舟亦然又明日置之他舟無不然者

題咏

狼崖紀異

黃河重見

何年風浪走江鈔沉卧泥沙任汐潮一遇將軍驅海若便爲驚起靜江颿狼崖紀作千年異麟閣名留萬古遙神物莫將容易視鎔成神劍氣

干霄

狼崖紀異贈徐將軍

曹大同重見

將軍負強勇手挽六鈞弓戈鋌森插架韜畧浩填胸登壇氣色無群盜許國訐謨有寸衷狼峯砥柱兀中流建牙設壘當襟喉往年夷寇恣出沒憑險據要窺上游樓船將軍威猛赫頑鯨妖鯢俱辟易風雷簸蕩波濤翻中浮鐵鈔具鼻額土花繡澁鬼血青磔格如脫老蛟脊上剗安定秀仍鐫辛酉年金質本沉墜出水誰着鞭東南

繭絲劇騷動母乃物意呈晏然將軍到來備外
侮油幕風清息鼙鼓東溟倒洗淨群方北斗高
懸輝萬戶擐甲嬰城胆氣麤五千帳下驅豹虎
蠻酋咋指懾且逋緩帶軍中揮白羽子儀伏回
訖充國制先零名將樹準的折衝由先聲山翁
執卷謝時事江淹叩關要紀異請纓奮臂覓封
侯萬里母忘安定子

萬曆二年七月十四夜風潮大作狼山浮圖及諸
殿閣皆傾圯明日清晨有青鸞數十來栖悉爲


僧所殺

軍山未闢時釋智宗初結茆其上每木魚聲起有
巨蟒輒至榻前聽經一日未至智宗尋視山麓
見蟒與海中巨魚鬪於陸各力盡而斃智宗收
瘞於東北山岡上至今遐邇相傳說軍山有魚
蛇墳

崇禎元年八月十二夜有兵喻棠於狼山港口張
罾得一魚頭大尾小長三尺許其體甚重置之
笞箠中忽太息作人語曰我從海上遨遊至此

五山全志 卷三
何得困我棠聞駭異卽負歸視之漸漸縮小化
作三尾鮒棠懼擲殺之

郡人邵潛曰自長淮以南千餘里僅吾通有狼五
山而山實爲吾通官祿宮不宜鑿鼻者不知取
其石以築新城致一時大寮相繼罷斥死亡議
者徒誘之巽方低窪乃建文昌玉皇諸祠鎮之
而人猶未悟鑿山之非也取之爲園囿臺沼者
繩繩不絕卽僧人方曉亦鑿去馬鞍山之十一
以築墻垣恬不爲怪自是風氣寢衰則又建文
峯塔三元橋自塔與橋告成而亂民卽塔殿中
造謀焚劫諸鄉紳矣蓋建塔與橋處非巽方乃
卯辰方耳巽方爲文峯卯辰方則爲訟峯以卯
辰魁罡地也於書有之辰多好鬪戌多好訟世
安得有不給人之形家而問之



Faint vertical text on the right page, likely bleed-through from the reverse side of the leaf. The characters are mostly illegible due to fading and the watermark.

